



余十餘歲好爲詩喜香山樊川已而厭之喜長吉飛卿又厭之喜太白退之就質邑先輩令學摩詰語襄陽又厭

之于是宋金元明諸家無所不涉人頗謂之能詩歲甲

子年二十四初交慎伯慎伯曰子之詩質美而未學心

怪焉歸盡棄所學取舊作錄存者千餘首焚之始肆力

于曹阮陶謝閱七年壬申讀亭林詩忽有得面目爲之

一變則向之所已學者時時流露于行間而最喜少陵

矣嘗學書知用筆內外使轉方員垂縮無不以騰擲出

之因用爲詩筆嘗學詞比興互用內心外體棄單取複

排陰比陽沈激要眇因用爲詩聲拙于論議以戇見尤

及其持久咸謂樸誠因用爲詩心詼諧微辭每出風致

介存齋詩
餘
謔而不虐聞者頤解因用爲詩趣貧女諄室悍夫詈街
名士放浪于盃盤軒冕促刺于遷擢醜伎炫服而臨鏡
枯僧垂眉而啐經每見之必噓之因用爲詩戒然而境
有感觸心所鬱陶粗者豪者艷者幽者怨者激者佚蕩
者如不足者繁瑣曲折者徑行自遂者皆不得免焉和
平之音百不獲一與其亡而惜之不若存而悔之其人
其時其事其心往往而在毋勦說毋雷同若是則已矣
傳歟否歟傳之廣歟不廣久歟不久余烏乎知之自古
在昔先民有作亦且有自知之者乎

道光三年歲在癸未五月旣望介存居士自敘于因是
軒

介存齋詩卷之一 乙丑至壬申

虹橋舟中飲餞贈別翰風張二卽題芙蓉湖莊畫卷
湖水碧於煙芙蓉渺何處江河各浩蕩欲度俱風雨我
爲出山雲肅肅隨鴻羽未知卷與舒燕趙或齊魯君懷
被褐玉憑虛結衡宇未知邱與壑吳越或荆楚秋風思
莼鱸遲莫多間阻不如及春歸芳洲滿蘅杜采采遺佳
人佳人在南浦直道綸獨繭忘機收數罟

題包十五南山草屋圖

空山竟無人霧雨爲誰濕巖扉敞宋寥竹路轉幽迥楚
楚田中茨茅屋亦須葺辛苦負米心芒屨手自輯再拜
告阿母自茲奉晨夕荷鋤幸可勝閉關埽行跡頗嗤謝

東山雅詠雜箏笛槃槃棟梁材蒼生阻關鄴躬耕雖云
疲樂道意自適我行逐風塵形暎志未隔矯首望青雲
日數南來翼

隄上感懷

宛宛長隄侶帶縈不知春水幾時生斜陽落盡湖光白
蘆筍未齊魚艇橫

居人渚淺卽撈蝦新苦茅簷又幾家湖水年年只如故
便來相伴種桑麻

書胡元謹南遊詩後

老儒抱書不出戶眯眼糠粃何比數雲章龍氣劇飛騰
足下須行萬里路眉峯示我南遊詩傾囊字字舒心脾

昆池雞足好山水恨我未到徒神馳畫沙聚米得皮相
真形必藉文章垂吁嗟眉峯玩世久幾擲千金買醇酒
醉來走馬天生橋香瘴濃時試身手祇今潦倒卧窮巷
賣劍椎琴易升斗晤言今夕那可致但誦君詩不忝口
春風蕩波江路長殘月無光墜纖柳浩歌復恐千層霄
不畏吾狂定誰某

懷友人

并序

少僻巖谷獨寐寤言詠古人之風載懷縞紵出交
里黨戇率逢尤坐此膠固知識蒙昧癸甲之間始
經酬對紉蘭投玉貺益宏深良晤易希遽斯睽阻
山中懷其霧雨江上信其風波短篷孤征遠念交

介存齋詩 卷一 二
動夫思接於境情宣其辭平湖餞日坐鷓首之清
飈雜樹齊蔬數雁聲于別浦卽欲冥心夙好豈其
或然是申短歌用抒積抱

慈祥士所貴貴有嚴重姿英英張處士溫厲淑爾儀凝
神旣淵敷命辭必箴規餘力攷水地脈縷分崇夷聚米
可坐籌刻蠟亦真師良玉豈自炫甘爲世所遺窮居賃
斗室不免寒與飢

張翰風翊後更名琦

絳侯樹奇績乃在能木強當其持重時利害不敢嘗古
岩善養氣充塞全至剛矯矯真虎臣蜿蜿宜龍翔如何
白下門射策猶隨行一士必有濟効忠固無方所以報
清時何必在文章願持寬柔教化彼衽革鄉

高古岩蟠石

李君素方嚴壁立幾千仞琢磨守家學萬石訓惟謹溫
溫菁華韜抑抑圭角損藹如春風和頽俗不可緝逢時
良所資華

國豈無本威鳳旣人瑞先覩快羣蠢綺紈與布帛裁縫
安可準所施諒有宜懷此轉紆軫

李申耆兆洛

文起夙穎敏讀書無留目河華起方寸鳳叫碎崑玉跌
宕數酒徒時和秦娥哭靈巖闕佳勝窮冬寡遊躅招攜
踏重扃湖光蕩遐矚磊砢千尺松奔濤轉鼇軸古處晁
賈期放言戒縮朒是時以酒從十觴舉相續頽然醉卽
休低頭入茅屋

沈文起欽韓

包生信麟角髻年賦方員煌煌川楚策指畫明公前成

務自有期豈在旦夕間奔走越江漢不如且言旋言旋
奉老母聊樂桑榆年時時嘆塵甑所乏躬耕田大人計
宇內遑恤匹士艱守貧安吾分拙哉受人憐包慎伯世
晉卿年最少下筆無古人作爲易象賦萬變羅乾坤消
息通淵微幽元鬱紛綸情言忽獨秀惻愴不可聞雪涕
始交頤融冶復嬉春文章不徒妙性度尤清真賢郎必
侶舅晉卿之舅曰張皋文
惠言其一翰風也諸侯所願賓時宜從此練所
學匪庇身勉旃入世塗首與凡庶親董晉卿士錫

閒庭

閒庭有奇樹作葉不作華所恐花芳專流蕩入鄰家鄰
家起高閣窗寮結綺羅主人岸巾坐賦客一何多但賦
花婀娜不賦葉婆娑花開光照席飛觴醉流霞飛觴豈
不樂當奈花落何

盛夏

盛夏復久晴九陌競輪蹄午風糅眾塵懊惱乘毒熱客
子無所營展簟卧幽室鳴蜩百其音各各寫匈臆自矜
飲露清豈解臭味及深山多美蔭欲移遠難卽倘能從
吾遊爲洗雙梧碧

鶴

衆鶴同一林翱翔出雲際溽暑蒸炎歎誰憐損雙翅徘
徊獨斂翮且復喬柯寄入秋天氣肅萬象與今異警露
引清吭九臯試孤唳

贈宋子廷

結交初得君清神溢毛髮矯如孤行鶴健翮下濇次示
我學古編傳疏獨穿穴欲以今人心備箴古人闕說經
舍大義危言相傾軋蹈虛警宋儒抱殘醜漢法紛紛立
門戶盾陷矛亦鬻入主卽出奴狐埋定狐搢惟君固善
疑觀古喜所拂枝葉良以詳本根懼斯撥當知著書心
非徒辨名物

爲方彥和送魏大之官河南卽壽其尊君

京邑託崇蘭對牀垂十年奉檄爲高堂銅墨載慈顏作
官能作福大人心喜懽作官或作孽大人心憂煎福孽
在一心孝慈本同原當思大人愠勿苟計擢遷當思大
人喜非徒却金錢貞宜守介石辱若臨蒲鞭慮事勿太
周懼作柔道牽用意勿太果戒此自信堅古稱布政優
乃在剛柔間要使事有濟寧必意獨宣驅車南西門黃
盭障離筵遙知大河陰愆澤亦復然矣慎前路佩韋
勝佩弦

贈曾容

一令十萬戶專如古諸侯謂此不足爲讀書何所求
熙朝重民社簡拔咸殊尤大吏體

帝心頗不越俎謀奈何脂韋夫自致曲如鈎貪餌魚辭
淵豈怨在梁鷺魏君發劓刃卻窺慎所投醜髀姑徐徐
全鋒行不留終然三門險一柱砥橫流

介不齋詩 卷一 五
有懷高二丈亦耕族祖木君卽寄

登山望湖月醉眼憶同開歌哭消長日田園老異才狂
言逢世怒塵夢到江回料得重相訪閒門閉綠苔
廢圃將重葺新來興若何秋驚一夜至夢或小樓多生
計漁樵足名心歲月過嗟余滯京邑徒爾戀巖阿

贈方二彥和

紅蓮濯清漪作花上葉頂朝露豈不時灑灑沁芳冷人
言好顏色心苦蓮自省

哭高氏姊

客中得家書珍重未開拆先見平安字已覺意怡懌上
言北堂健中言連枝適何圖高氏姊盛歲邁摧折欲慟

不成聲百脈繞咽結手足非常情何堪細追憶我昔周
歲時姊爲首梨栗抱持口授詩一日半寘膝最先木蘭
詞唧唧復唧唧稍長解讀書就傳出外宅莫歸共案讀
鐙光照寒夕十一學古文倔強逞筆力姊能怒我狂姊
能喜我傑十三姊出閨恍惚一臂失豈無同門友形氣
能不隔我姊歸高甥歲事在稼穡亦能勤婦工冬紡夏
則績高甥淳朴人賴姊勸內職生產日頗豐兒女皆慧
黠見我升鄉書望我遂通籍一第幸已成歸當喜盈頰
何圖遂黃壤無處見顏色亦有徐氏姊自小同研席不
知此月中涕淚誰慰借我母素鍾愛衰年見悲戚豈免
眠食損書中苦不說不知因何恙此恙太倉卒吾弟素

善醫胡乏起死術徐甥收我淚謂我悲無益直知悲無益淚自收不得

留別暉二潔士

陽春二三月百卉覺紛馥秋風灑然來搖落壽命促榮枯自相乘明者賞所獨綺思寓澹宕搖筆秀眾綠時時爲微行蓬門脫雙轂清言必竟日小飲恆不速扁舟旣束裝別君向巖谷吾廬竹所環濃翠翳朝旭引流灌其根水蒼戛鳴玉展君所畫讀疏稗意亦足

留別廷大曙墀

世人但作官性情日以漓如君守敦樸懷抱固不移識君登君堂清暉良猶夷竹樹亦慘梢花藥相紛披塵埃

方翳日清涼獨在茲夜鸛怨空山去矣從此辭君方作大郡五馬東西馳宦遊無近遠相見安可期但得黎庶親豈必朋友隨出處各自營古處誓不疑

留別許蕩舲

昔我湖上游寒日薄凍霧黛色鬱不開慘慘若賚怒安得同心人長嘯豁陰沍何圖緇塵中皎皎見瓊樹果然清綺質生小湖上住示我一卷詩芳香若蘭杜得酒意轉豪命燭夜頻午我當先君歸不久君亦去明年三月春訪君正飛絮同泛蜻蛉船西溪最深處

出東門贈祁生卽效其體

出東門車班班赤日欲下黃塵殷道旁行人莽無數不

看黃塵看紫霧黃塵因風吹上天化作紫霧色頓鮮行
人但看上天日豈知起自車輪邊一車前行一車逐車
中何人周與陸厭看日下羣花紅始憶江南故山綠相
逢初在殘春時眾芳搖落風參差行沾不向風前醉芳
草無情馬蹄外楊柳眉長盼玉鉤鷓鴣樣好披雲袂相
留幸得主人賢對坐常憐客心碎丁生感激宋生哀乍
別還疑不再來薄是浮雲涼是月碧天如此豈登臺浮
瓜沈李銷長夏選舞徵歌更多暇環翠軒前竹未齊怡
香院裏鐙初謝狂裏只喜劍花寒起踏蒼蒼月影看病
馬劇憐猶嚙草新鷹那許便梳翰宵衣往往愁霑露醉
裏同車首歸路小住原知不當家人間那得容吾處黃

塵紫霧日紛紛欲歸不歸遲問君君言昨夢江南去猶
有青山戀夕曛

日莫碧雲合一首襄翰風文起慎伯

日莫碧雲合涼風吹衣襟客子未得歸蕭蕭生秋心憶
昨切求友眾鳥匪一林嚶鳴互相會和如瑟與琴金陵
好明月宕漾鍾山岑叢花近高樓結袂同登臨治具作
燕會中夜何惜惜海風懼簸蕩湖雨愁溼霖酒薄不成
醉詩哀未能唵別來各離居相思那可禁寄書託雙魚
道遠恐浮沈客冬晤文起潦倒傷中忱春見包與張淹
留在江潯自茲接郵訊但得張君音上言貧未去下言
病相侵藥物苦非易可恃但砭鍼中言別包君杳杳亦

至今安知南山霧七日會長陰飢驅倘不免作賦豈當
金沈君更寥廓知作書中蟬往往逢飛鴉誰能食桑甚
嗟余滯歸舟日夕逾蹄泔晤語須何時落月看橫參

岸柳一首寄襄京邑諸子

岸柳各蕉額涼風吹客心始知朝日晏應爲碧雲深別
路送千里露華消一林故人方紫陌曾否念秋陰

滄州舟次寄浣霞儀部

時平無制作儀部爲閒曹過君深巷中門戶何蕭蕭擁
書一萬卷下榻居同袍清吟自相畬炎暑冷然消時時
飲我酒我醉談逾高世人嗤我狂君獨謂我豪秋風一
以至歸舟俟河臯踟躕不忍發所慮見面遙河流夜有

聲新隼羽翰驕奮飛諒不能淹滯心搖搖二月掘竹萌
三月羹萋蒿八月膾四腮九月持雙螯故鄉信足樂勿
但歸心勞

東昌雨泊贈祁生

脈脈宵來雨茫茫失遠林翻教憐碧月不忍照秋心流
水聲忽競寒蟲語易沈誰知同剪燭各有淚痕深

秋月

秋月不可照淒然傷我情美人竟千里遙夜各三更皎
潔或相見高寒愁獨行誰令吹畫角送汝下蕪城

祁生著海上珊瑚網敘申江諸伶形聲叢繪感慨遙
佚過燕蘭小譜矣歸舟聯榻出以相示輒題五絕句

篷窗秋夢感湘靈無數秋蟬喚不醒可惜長隄人字柳
年年爲客減眉青

欲作疏紅是蓼花星星秋色戀浮查春申江比溲陽闊
拚得青衫賦琵琶

顧曲當場兩黯然憐君哀樂感中年傷心我亦秦淮海
燈火高城照不眠

月白如霜夜易分自將短夢寫秋雲胡床莫弄桓伊篴
客到山陽不忍聞

難將勳業留歌舞空有文章尉宗蓼如此秋風送歸客
斜陽何處不魂銷

酬祁生

同行五十日清淚已千行斯世非湖海何人厭稻粱蓮
衣秋浦晚月影夜船涼絲竹從陶寫無爲哀樂傷

淮上贈心盦

世事關心老更窮何時真得把垂虹滄波若大扁舟小
辛苦人閒作釣翁

憶卧松卽贈

憶昨相逢廿四橋邗江淺水夜停橈殘年共擬登樓賦
別路誰聽乞食簫無數秋蟲弔清露可憐明月易中宵
湖山此去應容我手斲閒雲種藥苗

彥若從游金山舟中口占

蘭陵市上酒如油北固山前水亂流扶醉教人打雙槳

柳條風裏看揚州

金山同雲溪晉卿作

層雲侵閣雨初來
翦燭堪同綠螿盃
莫問人閒湖海士
南朝金劍易沈埋

大撓甲子紀冥靈
豈有神書下六丁
酒陳真堪了長夜
掌中間煞握奇經

紅雪飄零春半時
闌珊一樹檻前欹
冰花解續香風偈
莫悵東皇早嫁伊

去年此日沙河渡
徹曉風聲撼白楊
今夜濤瀧入高枕
杏花時節貫思鄉

雜感

蓬戶晝不開
中有嗜古彥
我來敏其門
握手快相見
新人工織縑
不賣世所賤
信知相思難
何必淚如霰

我別美人久
思之無早旦
美人不我思
棄我如渙汗
鴻雁飛一雙
鯉魚長尺半
唐棣終有懷
豈敢遂離泮
再拜重問訊
恐是阻魚雁

白日忽以匿
皎月殊未生
卷簾望天末
忽忽此何情
壺觴引卽醉
徒倚臨前楹
浮雲本無根
竚此清飈興
悵然遂中夜
露下霑空庭

哭高亦耕二丈

束髮眼空闊
安知世網撻
壺因讀史碎
劍每向人鳴
憶昨初相識
心中各不平
對壻如臂弩
釋憾在心兵
廣武

介存齋詩 卷一
聞長嘆鴻溝欲暗爭帶圍輸試械鞅掉御靡旌健豈甘
推董嚴終不毀程通言美胥命約信賤要盟過從無賓
主因依卽弟兄隔溪水喚渡申旦雪催更未得拋科目
時來入府城薇香深巷鑠屐印濕泥偵多感年空逝無
題句易賡燕輕蛛網挂龍怒海濤驚焚研原無賴逃禪
亦有情青山埋骨瘦古月照胸明湖海餘勞客田園念
友生安知太白醉遂使少微傾止酒雖元亮消中竟長
卿石花留紺唾野飯却青精入夢楓林遠傳書雁字橫
山陽聞怨笛緜嶺斷瑤笙遺稿休輕散孤兒望夙成歛
獻臣質死空負運斤名

初到淮安示諸生

時俗悞儒術拘迂轉相嗤豈知備文武廼足爲人師醇
風曷由宣經行惟先資自慙譏劣躬將滋來者疑抒懷
賤苟得違眾寧足奇黃淮方交馳地力亦已疲中精恐
涓滑風氣隨轉移特立良不易詎非心所期

冥冥著書心千載炳日月陳言不足貴所貴箴時缺茗
蘭無秋榮參昴亦晨沒報章寧在天萋菲徒卷舌撫事
懷所欽乃在管與葛力田終逢歲執爨方得食積屢謝
利心甘餘寡德色庶幾敦信義遂使民可立

晨登城南樓鼓角聞悲鳴忼慨彈鋏歌寧知烈士情潢
池昔盜弄書生始談兵真勇謝溫克結習馳縱橫進士
歲有程文武無畸輕柔翰坐易工技擊誰能精往往溝

猶儒掉舌摧干城詎聞方與召馳檄平淮涇挽強果十
石豈貴識一丁况復知大義可以託死生願回私門勇
努力期榮名

之桃源

于役始濟河平野何茫茫甘泉芑碭閒千里無連岡居
人本寥落况乃頗流亾終勞

聖代恩發粟復緩糧願告撫循吏慎勿言其長

晨光漸熹微蕎花泣宵露翠葉發紫莖荏苒轉相互日
至尙有期炊煙隱深樹頗聞雞犬音遂卽牛車路短籬
開黍稽留客籬下住屑豆持作糜勸客好下箸勿言奉
客薄頻年飽番芋

出郭

出郭偶小憇遂逢鉢山僧爲言寺中田比歲數不登非
由土膏殫習俗無深耕旣種不灌溉但望天所生小旱
愁焦枯小雨愁渟汀安得禮農師畫我溝洫成聞之三
永歎憂時爾輩情

秋夜散步懷良卿木君

秋月照菰蒲清氣互相蕩委襟從風入信步逐流往空
觀斷續碕不聞潺湲響徑會趨平橋途窮假紅舫河柳
影自搖露草珠潛長故人渺千里何以共茲賞時時見
鷺鷥獨立引清曠

冬夜齋樓雜憶

介存齋詩 卷一
煙月夜寒生巖城似帶橫人家亂茆屋犬吠警初更暫
了飢驅事仍增遠攬情同袍辭賦好幾輩頌河清

吾道固屢空綈袍寧足懷星徵西肆石鹿記上林牌獨
賞誠非易時宜或未乖休憐消壯歲猶勝縛弓鞞聞慎伯多

聚骨董

窮巷迴車轍冬來得米無朋游多落拓身世且胡盧銳
氣因書減清神入道腴所希常此意珍重問潛夫

江介感悲風登樓想復同山靈千疊聚水闊九條通叢

桂虛招鶴黃蘆易斷鴻寄書遲不達愁唱月當中輕雲亂卷

四山風不管多情皓月在當
中晉卿九江見寄詞也

聽雨虛初約宵來倍悵茲斷垣凋薜荔缺月映呆恩楓

落銅官路花侵玉女池明年遂歸計猶及共鞭絲良卿有樓

名聽雨

送許魯泉獻賦天津

古人一賦千黃金黃金不難難賦心時人愛金不愛賦
縱有千言空染素特達非邀

聖主知華年終爲奇文悞何從得此高陽生慨然意氣
思飛騰昔我與之共登覽石角礙路猶攀藤江波盪胸
風入袖馬駝驚臯爭鋒稜手中健筆快落帑俊爽大類
盤秋鷹京洛吾先倦塵土世事于人竟何補自信惟應
老傲廬君言必欲紆長組文章有神亦有命此去先須
戒奔競細雨同消苜蓿盤春風看立芙蓉鏡

送別黃清溪

淮南木落天雨霜先生別我歸江鄉江鄉今年足稻秫
歸酌春酒酣高堂昨君未來我苦寂日日馬蹋河沙黃
盤鵬眼疾細草死風埃一道昏殘陽書生胡爲衣短後
獨吟無和聲難揚初聞君來色然喜令子昔曾交短李
李子論交最有名家學因茲測涯淚握手便作雲龍譚
乃識君書著皮裏君言枕蓆四十年落帟果化爲雲煙
君言靜叅恒累宿吐舌果解生青蓮君言楚璞獻已僂
十上不選張郎錢君言作官非所樂遊戲聊復來人間
下士聞之各大笑謂我白癡君亦然是時亢陽驕不雨
日秩陪祀清冷淵君生膏澤別有寄我等冗散空相煎

秋風吹我過江去接離倒著看青山五旬小別意悽愴
夜夢往往逢君顏重來見君話契闊我病君歸各飛越
君愛堆盤玉斧肥我思壓酒銀針活君今先歸我亦去
冷落淮山賸寒樹他日相逢我荷瓢君能戴笠眞吾侶
黃之長君與丁若士同拔萃
科申者識之言其人快士也

觀寶山張孟如試竹槍木刀桐生太守用少陵大食
刀歌韻贈之卽席同賦蔡牽窺吳淞張曾應募爲軍
鋒故追紀其事

軍聲夜發何嘈嘈樓櫓險倚重關牢跳梁野將馳飛艘
守烽士怯起欲逃何人青錦製短袍揮突不顧倭奴刀
剗鐘無聲利吹毛寒動月魄霜華高彎弧便覺擁樹號

介不齊詩 卷一
投擲自斃哀羣猱三英之裘膏以膏閱武能射胥江濤
是時畫疆阻深濠吳鉤空挂紅絨縹惜哉繫膝縱海鼇
織鐵爲網成徒勞不若快舞尊前豪燭光如虹射眸起
跳脫宜僚弄丸始蓄勢初爲虎抱子顧步縱橫敘文理
轉石險短利激水奇化若鬼態未已千方萬狀不可紀
懦夫旁觀迅兩耳筋骨開張使心喜翥鳳騰龍換崇庠
罷舞仰天重徙倚猿臂於今辭象弭堇鐵邪銅竹木比
處女誰尋越山裏命酒與君浣塵滓

京口舟中作

江風吹我舟倏忽指南渚眾山揖歸客蒼翠不可數我
行未云久載寒一離暑卧疾敢裏祿况復遂將母江干

艤羣艘刻日漕天庾輕颺冀乘潮失意此中沮倚閭知
久望憶兒尙行旅兒行未云久兒歸未云苦託迹慙雲
霄役性違簪組幸得耕原田泄泄終十畝

伯兄四十三奮志發書籍季弟二十三年力正強桀雖
聞儒冠誤豈乏開卷益及余獲遂初斗室共昕夕諸姪
漸長大能服先畝穡暇日行負薪永埽城府跡令節具
酒漿蔬果亦蠲絜上堂侍阿母歡喜動顏色謂兒勿浪
走馳驅損精力况乃世事艱每坐不煖席

故交久不見何以慰相思埽徑待我來把袂索新詩新
詩雖無多勞歌聽者移人事有緩急世路交險夷念我
涉川陸僕僕飢且疲行意虛昔願及晨偈前規趣乘強

介存齋詩 卷一
顏對興倦摳衣追不及守桑梓酌酒懽春時芳園日正
永榮彼桃李枝擷英動滿把俛仰當貽誰亦有同袍人
矯翼尙高飛高飛尙易倦招爾同歸來

三月三日旅次蘇州有作

柳絲綠卷杏花風小艇吳娃泛酒紅儘有風懷銷未得
一窗和雨夢淮東

學繡

十三初學繡儷色拈金縷繡作雙胡蝶蹀躞花間舞花
開不滿枝花落空相思花開復花落胡蝶年年飛駙馬
橋頭流水淺鏡閣臨流媚春眼對鏡新更時勢妝髻蟬
未合雙蛾長粘珠貼翠聊復爾東鄰色動西隣喜短歌

只愛華山畿不爲同心肯同死檻卉流水空年年繡床
自倚春風前嫁衣手製贈良娣著向花溪唱采蓮

寶山礮臺歌

并序

寶山吳淞入海處也在崇明定海閒形勢孤露夾
江舊有兩礮臺皆外向於形勢不足控扼嘉慶八
九年間蔡牽再至其地田侯以才武自鎮洋奉檄
來籌備禦始改江東一臺內向與老岸之臺觔角
臺高火彈不能抵水面又各於臺下建土臺田曰
禦寇不于海委孤城當其衝非計也馬跡羊山皆
在海中去老岸數百里周亦數百里宜規爲巡船
駐劄之所則寇至內洋無泊舟地吳淞可以安堵

會蔡牽三日卽去當事者以措置過鉅未用田策
田乃請江寧大礮曰神威將軍者如干位牙互口
岸則防禦亦稍稍密矣十三年五月五日余與江
寧管同策馬來游東南望絕宏敞然所謂羊山馬
跡皆不可見想象指點昔之震蕩波駭今安在哉
從人具飲同酌臺上潮平日淡百里如鏡相與歌
詠之云爾田名鈞字仲衡山東鉅野人其子端果
皆從余遊

石臺廿尺臨海濤神威將軍鑄黑金東風駕潮拍臺下
倒捲紅旗驅白馬憶昔鯨魚輕暴腮舸帛闌西向來
雙螯鎖鑰棄遙島作計控扼餘孤臺斯臺枕海百無倚

臺上蓬蒿臺下海

國家財賦重東南忽委襟喉等糠粃桓桓田侯飛羽書
登堞佩刀心膽粗昌言古人制白挺僧兵尙可殲倭奴
舍舟涉陸賊用短如設獲阱毆於菟願出家財葺廢阬
不請

國帑虧民租是時上流倚侯重侯所建白刀刳塗西風
送潮賊卻走保庶依舊收全吳侯言地險不可失馬蹟
羊山本羅列駐防多暇且耕漁宜以新洲佐儲積已慶
洪波永不揚無人更采書生策獨許神威鎮一方雪丸
試擬橫天擊將軍神威信不凡赤虹未飛賊膽裂不然
頻歲擾澎湖豈乏南風送浮鷁短衣匹馬同閒遊一盪

俗句開兩眸文人只賦觀潮樂那解形家辨垠堦信步
因登昔日臺老兵爲述脩臺約員牌整齊短斧利大藥
身輕帟鐙薄同守茲臺三百輩今逢節日聊休沐近人
豈有狄青才且碎菖蒲漚清酌屬君浮白君不辭沃我
巨觥我醕之幸得環瀛息烽燧不聞橫海徵舟師黃麥
登場炊餅熟綠艾插門游厲伏大醉高歌飽捫腹落日
歸來翦華燭

題竹贈管異之

清風欵虛谷萬籟各自獻勁竹亦猗猗回轉適時變豈
無歲寒節虛心珍所善威鳳方將翺莫貢東南箭

和管異之海塘觀夜潮

攬衣出重圍風月曠無象洪波入夜澄渺發乘桴想靈
鼇怒客慢嘘氣潮驟長鞞鞞驚洪鐘玲瓏散珠網隄危
縈一綫性命萬家仰是時風轉急指點見遙舫落帆趣
安澳始釋中心養鯨鯢未駢戮泥沙方倔強皎月忽冥
冥或照南軍賞管子意有餘歸來倚虛幌清酌盡三升
高吟轉蕭爽

郊城

問官遺俗在頗說悍民多赤白探丸貫鹹鹺舍命過刀
耕惟佩犢野陳輒爲鵝不信龔黃日斯人尙未和

墨莊王繩渠招爲郭外之游卽事成句

塵海逢迎慣相憐太樸存旅裏寬爾我秋興在郊原秀

飽鵲華色歸思桑苧村人生苟知足榮萃亦何論

望岱

千里平原盡巍然此卽尊西來失培塿東狩聚輪軒避
雨松猶媚乾封石不言惟將豁秋眺一鏡海天昏

登岱

籃輿凡幾折破碎失全峰澗咽將乾瀑巖欹未死松荒
唐說吳練惆悵對秦封惟有中天日虞巡禹益逢

對松山

北來稀見松翠鬣轉疎爽陰巖雷已削危幹龍仍上樵
柯絕徑路匠目誤尋丈自保千歲姿安知萬人仰道旁
有古槐綠蔭一何廣云是唐時樹巋然寄天壤近人雖

見愛翦伐終在想所以鸞鳳儔仙山乍孤往

南天門

直上百餘級天門詖蕩開輿夫貫登陟笑我偶能來

日觀峯

一峯東睨欲入海似恨茲山失精彩我謂茲峯姑少留
滄海桑田有時改何況茲山祭秩登上公闡冗猶能訴
真宰茲峰掉頭更不顧但惜飛騰無徑路夸娥巨靈呼
不來赭鞭擲挂樽桑樹日月跳丸朝復莫爾留不留吾
且去

寄書

落日蕭條索酒尊客裏饒醉與誰論兒爭秉穗喧隣陌

介存齋詩 卷一
犬吠衣冠出古村淡月西偏宜鞠影銀河南直瀉秋痕
寄書不及歸遲蚤但問荒園芥有孫

桃花橋題村店

羶車夜發歷寒郊霜白沙黃曉鶻抄却怪過橋仍綠樹
相扶紅旆出墻坳

積雨始霽旅館薔薇發花有作并贈李寶之

晨光始熹微烏雀喧簷端卧聞鳥聲樂起見庭花繁綠
跼拆丹萼一一相躋攀高枝最天灼光艷感眾頑念我
同心友離居寡所懽拜條欲有遺甚恐道路難道遠亦
不畏茲花無久顏寘之獨徘徊何人知永歎

李生信美士玉立何亭亭推窗見花枝清艷相與并鏤

雲出新製環諷移我情中有惜春思遲算勞屏營况復
風雨逼坐見穠芳零遠揚何旖旎結翠垂青旌蓓蕾或
晚發磊落如晨星盛衰豈不感重感時邁征有酒且斟
酌頽然醉南榮

對竹

積雨洗脩竹一一青瓊琅初日來照之晻曖自生光微
風一披拂枝葉相低昂豈無亭亭節勵志在秋霜幽懷
契君子婀娜俾可忘

珍珠蘭

碧油簾捲波紋膩髻擁秋山花學翠暗香十步先襲人
可惜珍珠掌中碎纖枝細琢青珊瑚一琲拈來百媚俱

介存齋詩
卷一
擬向鬢邊還照鏡嬌波欲淡不能無劇憐秀色侵書幌
曉露濃濃日初上絕無人處獨裴裒翻疑有屣行廊響

介存齋詩卷之二

癸酉

詠史

孝文至恭儉衣絮見後穿銅山屬山虞世行鄧氏錢二
孺弄姿首荆業事已然遂聞匈奴使亦疑三公年豈必
效噲之乃見佞倖專熒滑在主德破老由比頑洛陽流
涕書胡不聞斯言

項羽不賞功竟坐失霸圖東京重郎官吏治踵西都有
司出納吝斯言詎不符將非濟艱難道與持盈殊越王
軾怒蛙壯士入姑蘇迢迢五湖舟忽有范大夫未了計
然策地下重謀吳無疆遂顛危隻手誰能扶平世寡異
勲獎拔在菰蘆况遇中流風不買千金壺

水運苦丁夫鄧訓銜命來上書改驢輦歲免千鴻哀法
弊必更張膠柱終難諧褒斜道雖通湍激如雷厖三門
險可避轉般實通材忍令吾人愁瓠子頻年開
拜郎先算貲所以防貪吏拜公悔小靳無乃失此義每
惜當時賢亦阿趙媯意豈徒自媒醜或嗜如賈利錢室
金為堂春梁猶未既流蘇供馬棧敗壁餓官倚采稻筐
不盈然臍脂已沸三復子輿篇交征國危矣

陳思詞賦豪君子亦在茲自命一何遠遠與周公期嫌
疑不可處瓜李防細微焉知銅雀臺遂作當塗基西南
紛戰鬥承訊忽心馳豈伊違夙願將由諷國危太阿一
倒持大厦傾安支黃臺蔓易傷况無尺土資六代鑿匪

遠任術迂爾為屏翰既外替蝸蝨即內滋樹國固磐石
太山猶四維如何孤立主罔念委裘時
典午值隆運撫宇規一統羌胡處人間雜糅錯五種豈
非包荒度詒燕違克鞏八王未沸渭震撼首汧隴夷甫
方清談長嘯邊聲動聖人子億兆有若農易壟豈徒芟
蕘稗稔忝戒並寵同倫甄民行異服眾所聳一朝袒臂
呼萬里橫流洵載觀徙戎論杞憂有餘恐

元海昔羈絆聲名滿朝彥崇岡起遐矚雙眸曜紫電息
馬金日磧觸瑟首誅亂豈如倚市兒聽讀留侯傳皇輿
忽板蕩關鄴有爭戰元二災已成五部勢彌健縑雁一
脫鞴萬日青冥眩玉斗鴻門撞麥飯呼池獻高光出屯

否有似弦激箭後來慕容垂亦何待秦便

少年事筆研壯乃好戎機寰宇方清晏萬里無鉦鼙西
顧昆侖虛大夏接條支博望事已遠誰揚馮鄭威寄身
在絕域百死猶不辭寧知作都護雄圖暢車師屬國三
十六首爲漢節低斯人苟不出何計安西垂

西北山岡連東南海濤闊天以限中外何人敢開闢始
貪外夷利市舶偶來入奸民走若驚歲歲蠶螿集木腐
蟲必生外侮由內慝閉關商不行根株始能絕道覆初
跳梁局促圖苟活因隙授廣州羽翼逐盤結敗毅桑落
洲震蕩到京邑孫盧雖就戮餘孽此猖獗寄奴設不來
雀桁莽流血乃知翦鯨鯢所戒在姑息狼子終野心慎

梅懷以德

蕭何本秦掾入關抱遺籍遂令西京治師吏弊不革周
公著六官不立誅賞格用竹及鑄鼎遺譏炳圖冊良驥
駕鼓車何以先蹇劣鴻鵠遭羈笈應悔生六翮末流何
汶汶公輔亦刀筆猶言漢法寬白首究唐律斷獄或引
經俛仰見嗤責臨民若拘係徽墨寘叢棘八枋上所操
散飽蝨魚食

六代上浮華唐人試詩賦往往當時賢羞與雕蟲伍子
衿旣叟達驥首趣王路不知稼穡艱何術敦本務幼儀
未親肄何道化頑固脂韋得美遷混沌致久富亦有落
機穽與吏共爲蝨委身餓虎蹊且復攫狐兔妖蜃信沴

氣呼吸幻雲樹可憐黃口雀微命遭此仆
豐沛多公侯南陽踵斯盛膏粱與寒素九品聽中正寸
莖蔭喬松託地誰能問豈無躍冶金終不鑄刀刃楚璞
幸可完勿使涕徒隕

聞柝

鄉人擊柝有嚴聲靜裏遙聞韻更清萬里蕭條荒塞夢
五更零亂畫樓情霜中路滑愁頻咽酒後醒難數未明
莫向郵亭喚醉尉南山草竊倘縱橫

撤屋爲小庭

突兀眼前二十年今朝撤去欲凄然幸非奪取歸豪姓
却喜晶瑩見遠天裋褐負暄煨芋孰清宵看月門霜妍

裏居因速求安謗豈但牽船媿昔賢

海月

海月生遂古今宵也自明無人補宮闕跋浪有鮫鯨氣
欲三山失光仍一鑑清高歌風露裏誰與共嚴更
襍賦九首示確叔兼寄犀台老兄

拱璧

別足卞和泣相如睨柱爭可憐一片石幾死兩狂生肉
好國工製瑕瑜俗眼評有時還抵鵲莫漫詡連城

明鏡

欲識須眉古惟當鏡裏看餘人愁照膽狂客喜危冠秋
月一奩好精金百鍊難也應資目力始見兩龍盤

介存齋詩 卷二
寶劍

雄劍不出匣誰知秋水光
嘯當黑月夜挂在素琴旁
杯酒自相酌全鋒幸好藏
直須揮晉鄭休入少年場

駿馬

大漠爲誰開天教試軼材
千盤山險失萬里月飛來
宴憶瑤池侍鳴慙御仗陪
前身原列宿豈但上金臺

風帆

前路各茫茫風帆次第張
聽楓三峽靜逐日大河黃
我自憐鳧泛人猶羨馬當
好將忠信意說與櫂船郎

健鶻

奇鷹未脫鞴兀若杖端鳩
乍展扶搖翅全生狐兔愁
鳴

鶻清唳合殘燒廣場留記
否辭遼海危崖萬木秋

幽蘭

一夜春風發千山桃李勻
美人卷簾坐先爲落花嘖
玉軫香初泛瑤臺夢欲真
還披楚騷讀百晦是芳鄰

大樹

誰言無用木得地卽非凡
向背昏明異升沉日月嵌
天陰增魅執社古署神銜
我有三珠樹亭亭在絳岩

怪石

拜爾不能語肅然生古心
苔痕延宿雨雲氣驗朝陰
欲倚愁原側將移覺最深
飛來吾未信何計下危岑

學阿殿

并序

厲居葑門青松寺每日仄聞呵殿聲此地去官府
頗遠輓蹟之知爲賣菜傭之戲也風俗移人不能
無槩率然成篇

吳兒種菜住城外朝擔瓜茄入城賣城中富兒不買喫
日中倚杖街心立貧兒雖買不易空腸胃嘖嘖口焦急
忽然賣盡喜可知數錢買餅療腹飢東鄰西舍呼相見
貫百誰多互稱羨錢多立貴錢少賤貴者居中賤呵殿
道旁一腐儒何僂循墻趨請公駐騶從我欲陳區區大
聖惜繁纓正名論已迂側聞鄭大夫濟人以乘輿小惠
鄙黃鳥匪敢冀後車但願公等遵前途先後慎勿相攙
逾溝深塍窄泥沒踝一跌飄然如墜瓦留取筐中子母

錢歸來好結雞豚社

贈胡元謹

跌宕四十年歸來習禪宗釋迦不敢收依然隸儒籍黑
甜養心性白酒銷鋒鏑神偕秋水瑩夢與春雲隔故人
叩幽扃一見喜逾昔披臆出深衷開裏竚新益共權蜻
蛉舟言永風雨夕故吾君所知肝膽互傾瀝稍分倚柱
憂齷齪問田宅君言方寸丹湛久化爲碧每當野燐飛
終念溝中瘠頗聞螽蟃生未易可撲滅誓將身化烏十
百千萬億多君裏眾濟媿我成地瘠位置邱壑間猶煩
一搖筆

欠

有風卽溫風有雨亦如湯萬物無不變酷暑安可當金
流石泐總先熱惟有寒久寒到骨坐看消盡磊砢身耿
耿猶餘涼氣入虛堂六月日在已樹梢不動天如洗甘
瓜自沉朱李浮那得嫌山雪盈齒忽聞門外搖冬丁買
盛盆盎神已清三峯削出明照眼寒生滿奮琉璃屏憶
我當時客京輦十日平原興猶淺孰後林禽荔子香剝
來湖目雞頭軟癖惱難辭襍穢行破除賴有清涼散不
然道上盡鹽車至死何人問牛喘南歸八載未貫見鐘
鼓爰居避冬暖今來却似展鮫綃蟲蝸到飛蠅罷扇藏
久改火聖政同變理最是調元功窮鄉往往頌不到虛
語安能信夏蟲也知不辦回天意且得炎蒸稍奪氣趨

炎炙手各紛紛縱使成山誰敢倚

孫子祠病鶴呈開如先生

毳毳斂翮下秋雯一入樊籠那可云無復縞衣驚客夢
空留丹頂壓雞羣漚盟散後休遵海龍性馴來只卧雲
安得胡盧生過市刺將人血療夫君

樂志詩

并序

余友鉅野田大令銅陵章學博皆篤厚君子遭遇
厄窮未嘗苟且蕉萃酒酣耳熱各言爾志無不以
力田孝弟信友善俗爲準的時大吏丈阜寧葦蕩
沙田許人自占輒復有欲焉然卒無所資徒空言
快意余因衍爲韻語四章相與觀笑不足示外人

龍顏提劍致太平未央上壽嗤仲兄安知謹厚勤稼穡
伯升嗣封資叔力張良破產韓信餓跌宕英雄誰復過
後來亦有馬文淵畜牧耕田起北邊帝王將相猶如此
何況區區布衣士求田問舍意所甘縱卧下牀心亦喜
舍南十畝厭厭苗曉含珠露穉且嬌朝暾未晞拭眼看
一洗萬卉千花妖何不歸去翻桔槔觸熱吳市聽誼詎
歲耕十畝畝五斛租調供餘用不足江南寸土皆黃金
欲耕少田住少屋近聞黃河西挾沙東流入海淤日加
雲梯關旁二百里沃地如掌無田家園取作田種黍稷
菽麥瓜瓠皆可植更饒桃李及桑麻魚滬溝中澤豚苙
煮鹽論石不論筋入市惟須市耕鐵居人別自射厚利

豫畜萑苻似山積覬逢異漲一平隄官府爭收倍還直
紛紛末富各自營可惜土曠無人闢慨然便欲移家去
那復依違戀鄉邑君不見康成傭耕在高密

丈夫豈作守錢鹵手散多金亦豪舉先期五宗得膏潤
次及外嫻無困苦平生朋友多客遊招作比鄰一方住
彭澤朝同鞠圃勸幼安夜接藜牀語乃營一舍習禮容
後奉祖禰前儒宗門塾陳碑階堂室布置悉與先民同
約束子弟讀且農服農習勞筋骨堅讀書致用文武全
秋冬射獵春誦絃晝日負耒宵嗽編矻矻儻可追前賢
古人莫學喻秉燭况我盛年空鹿鹿卜居最擬鄭公鄉
何敢嬉遊問花竹未水因承阿母懽林泉邱壑得盤桓

伯兄季弟日聚首多養雞豚多釀酒談忠說孝雜風賦
旁及禪官無不有神仙物恠恣揮霍惟置浮名不關口
阿母欣然爲微关當飲數升能一斗春風爛熳桃李榮
夏日方塘采菱蕩月臨秋漢案疎櫳雪擁遙山入虛牖
年年歲歲佳辰在歲歲年年樂長久

澤農誓

何來一區田不種種不種秫但種雞頭與茭白茭白水
淺雞頭深水深二尺淺一尺茭葉利如劍雞頭亦多芒
種者低頭水撲面體無完膚恒被傷問渠何不種稻麥
答云租重難爲償此田畝租十六斗斛加一斗恣主量
年年自送上倉去從無蠲減優災荒茭芡利多猶可給

稻麥利少將何入可憐名號是澤農歲歲將錢買顆粒
我聞此言殊未信或是奸頑肆熒惑疑我官中刺事人
先學青蠅滄白黑卻哀地力此旣殫莽莽中原有荆棘
居民度地古所慎今世司空竟何職坐令土曠粟米貴
歲課漕船自南北歸來翦燭讀漢書最喜班生志溝洫
寄章犀台

一樹江梅照別卮半年何日不相思書成卽是成連操
海上時人知未知

老擁青氈已可憐鹹風腥雨况炎天休嫌問字人來少
誤讀南華悔昔年

罵人劉四測交稀瘦盡齋羊義獨肥鎮日風簾應不卷

生憎胡蝶上階飛

奇伶歌 并序

海客叢譚稱朱邪御極同光紀元有供奉奇伶不
 傳姓氏傳朱墨為靚引喉發聲屋瓦皆震所以象
 時君戡亂之勲耀武之烈必冠其曹既見羣伶媠
 慢無度知唐祚不永即以疾求去往來南唐吳越
 間所至以歌傾倒士大夫凡伶所在部聲價十倍
 時君既惜其去又聞其流譽南國特詔索之伶喟
 然曰吾不幸以技事人但當食吾技而已安能與
 狐鼠之迹共憑城社為百世口實哉即自髡為桑
 門以遁厥後伶官果倡亂聚樂器焚同光明宗兵

入皆夷滅惟伶超然遠覽絕聲迹焉此事殊偉未
 見他書乃為歌以贊美之

天寶奇伶雷海青同光奇伶無姓名海青罵賊凝碧池
 燕筑破裂舞馬嘶同時朝土王摩詰葉落空宮但賦詩
 摩詰身存海青死生最可憐死可喜何如薙髮入山人
 矯矯龍翔不見屍同光天子稱知音雜奏胡樂升哇姪
 此伶發聲滿天地鰲吸鯨吐羣籟暗是時武功正光美
 三矢告廟神來臨象功作樂意雄桀陳雲沛艾白日陰
 忽聞大呼李天下帝面着掌還訶罵若然殺却鏡新磨
 銅即無光誰敢者此伶幽憤不可吐稱病乞身蒙帝許
 從此江湖有高唱遨頭最重梨園部錦衣被樹醉錢王

介存齋詩 卷二
金粉昇州六代香一曲纏頭縑幾匹何戡未老足清狂
詔書忽自中原至喚取龜年重入侍翻然夜半換方袍
許大人間儘遊戲金山江執攝山雲湖上高峯亦不羣
不然南訪天台去到處煙霞是主人咄嗟蓋世英雄盡
夜半倉皇別宮省空將斷髮誓蒼天危筇枯桐同一燼
山僧頭白逢人話北望夷門淚如瀉今日才留木石身
當時險與蟲沙化奇伶奇伶爾何奇奇爾蚤歲能知幾
同時宰相馮長樂五十餘年著紫衣

曩過孫子祠有病鶴焉伯州先生之所畜也褫褫垂
翅依人可憐予曾爲賦一詩閱月重來則鶴死矣感
而重作

遼陽歸大鷄秋露警新寒埋骨土應繡題銘墨未乾干
金空駿馬對鏡但孤鸞羽化只如此軒車那可安

道南書院

孫武今廟食王珣舊有祠如何訪遺跡獨未拜人師壞
瓦當眉落頽垣壓頂欹弦歌誰肄習梁木坐崩摧叟達
青衿子荒淫白苧詞畫船迴晚日梵宇門靈旗不惜金
錢擲甘將歲月嬉奇才裂新錦老學偃前規薄俗終爲
爾斯文豈在茲惟應賢守令雪涕眎吾詩

寒蟬

寒蟬復寒蟬長鳴高樹端但覺秋露好不知秋氣寒
寒蟬語西風爾盍憐楊柳一夜葉打窗柳禿如敝帚

寒蟬抱樹僵螿蝦不得食何如黃雀兒入水化爲蛤

若谷病困甚聞直隸豫東匪徒滋事聊爲快語慰之
野火新燒一逕紅劣韁剛趁阜雕風平原狡兔知多少
盡對窮猿泣羿弓

班草沙中落日黃一傾一斗累千觴笑看野雉星文動

擲却毛錐拭劍芒

弧矢星北一大星青白芒
角野雞精也俗誤謂天狼

鬪醜夜語一何悲似怨

王師撻伐遲滅盡尤來大槍賊黎陽渡口擲鞭時

赤松山徑久荒蕪宋寞人間范大夫買得閒田待何日
不如隨地釣菰蒲

雨笠煙蓑我最諳君耽塞北我江南煩將五月羊裘寄

報子霜天二百廿

秋裏

落葉欲糞本忽然隨長風飄飄周四極四極安可窮委
命會有地擇蹈當自躬如何騁絕轡一往無還踪孤根
盤峻嶺獨有歲寒松

林疎秋月入萬籟忽然起茶鎗本無竅軋若繰車子水
火互相煎寒溫悟微理寒如湛鼎宗溫卽噫氣始敷然
兩大間亭毒誰所使王侯與溝壑左右見隆庠

萬籟各有爲沸鬱鳴其生紛紛苦與樂哀怨或忿爭臧
耳不解判但知秋氣并秋氣一何肅能使羣動驚患聰
畏蟻鬥如何常獨醒

介在齊詩 卷二
出門何所見蕪城帶寒塘眾星出雲鏢灼灼如珠璫須
與明月來草葉泣露光零露下已久得月清暉揚清輝
幾何時肅殺爲嚴霜
螢火不識寒但覺飛難遙熒熒一寸光委照在邪蒿昨
養白鳥羞今隨腐草消微命豈足惜曾亂羣星高羣星
不及晨况爾安能豪

寵菴

寵菴豈嗜殺結網伺飛蟲祇以果微腹居然點太空織
應憐帶露穿更惜當風終作蚍蜉食安防五尺童

蟻

蟻子亦何物延緣砌路中能銜等身鐵不赦叩頭蟲糞

埽矜微命滋生蝨血宮不成蠻觸戰一笑大槐空

漫興

炎漢失統紀中原沸如湯羣雄踔厲起天地爲低昂奕
奕劉景升作鎮在荆襄開閭延俊髦雍容集冠裳鸚鵡
一何悲登樓亦徬徨誰令天下士不孑如羣羊獨有躬
耕人偃息在南陽

鉛刀未一割自詭龍可屠莫邪薄柱擊寸斷如拉桔梁
父方哀唵謹謹爲耕夫日出負耒耕夜還讀素書秋稼
初登場僂俛課官租餘儲亦無幾糲食山農俱

少陵非好唵哀憤無所訴流離在兵間豺虎梗王路仰
呵星辰偪俯蹴坤軸仆瘦肩荷長鑿微命託朝露朝露

介在齋詩 卷二
恒易晞斲藥恒苦飢飢來羞乞食但作麀麗啼局促浣
花居餘生安可期

大海何茫茫竈鼉走秦鞭蓬萊不可到何計爲神仙神
仙亦何樂所樂在長年黃金爲宮闕富厚空復然仙人
苦不飢何用煮棗填何用衣六銖仙人苦不寒琅玕與
瑤草何用生瓊田我欲陵虛空馭氣獨往還置身成毀
外下視齊州煙復恐見流離惻然傷肺肝

漆室女

漆室女雙鬟垂頸宵倚柱季孟歌鐘樂未央更漏沈沈
淚如雨

礪劍

平生有一劍自礪向秋水湛湛夫容花繡澀蝕泥滓光
輝一朝發蔚若騰蛟起
王路方清夷跌宕在文史何圖衝斗氣挂壁鳴不已荆
鐘慎全鋒繞指契妙理祝汝化爲龍詆蕩行四海

渡河

决河全入過此渡載舟纔斂翻王睢立爭津客蹇逐向
人探北問訝我却南來五夜頗嚴凜安從得酒杯

皂河書事

隄中千畝穀積水未能消帆影尋村卸魚羹待客饒婦
飢烹馬齒兒憊載牛腰告爾
皇威赫安居莫動搖

洞山題壁

晚投墟落趁斜曛莽莽中原有陳雲射虎溪山小棲隱
盤龍身手健從軍草間狐兔容偷活天上麒麟待策勳
試問建牙諸大帥何人越甲恥鳴君

新樂府 并敘

山東之有教匪也自劉韃子始也韃子誅死其徒
詭言未死化去變其黨號虎尾鞭頗橫土人更爲
黨曰義和拳以拒之別有紅韃會仇之者曰瓦刀
社而八卦教最大蔓延直隸河南之境凡數百里
其徒自張大以爲天下皆有之其實未也前數年
鉅野金鄉人控於大吏大吏惡徼繞寢其事其徒

則約癸酉閏八月十五爲同逆期已而改閏月賊
失期又期九月十五云然而東人憂之甚首告者
紛紛候補令吳君階首發逆謀大吏駭而聽之命
攝金鄉到卽捕二首逆其徒兇懼遂以初六初九
初十日先後戕官本無多人撫軍欲需大兵會勦
發兵遲遲祗始盛然劉都轉之破賊也官馬二百
沙家海回民五百而已客兵集賊已蕩盡乃皆赴
河南圍滑縣余友田仲衡鉅野人以憂罷職留蘇
州病幾殆余爲主藥餌旣聞警田有二柩未葬涕
泣悲苦予乃許爲視其家卽束裝北以九月二十
八日至曹州蓋是時官兵始與賊接云旣知田氏

宅無恙則單車往來旁縣凡鄉曲隅奧聞有騷動
意者靡不到冀詳知民疾苦得告當道非有意為
詩也賊既平始追憶所聞見述而錄之著于篇訊
兵事者舉以告異乎郵傳之荒唐質于文移之藻
飾以俟采風者得焉

滑稽翁 金鄉令吳密移曹縣使捕朱成貴曹令姚以爲邀功生事嫚罵置之既知爲大憲意始行捕顧久泄成貴遁去亂作姚令死頗烈然早與吳君協謀東省亂可弭破曲突之謀者姚君哉
賊入曹者八十人其魁則成貴

趙女歌吳兒舞銀燭熒煌月當午歌闌舞罷擁吳兒趙
女擎燈不去帷死央婁艾誰能辨行樂未終聞急變可
憐白刃潔如霜頸血先將賊吏濺寇戎伏莽豈不知羽

書鄰境曾飛馳老翁七十工滑稽踞牀謾罵白眼嗤尊
中有酒不識醉而乃生事邀功爲一門駢首血染尸生
以樂死死曷悲椎珠焚玉不足恨絕恨從此勞

王師此翁有兒亦跌宕是夜青樓試高唱模糊鬪髀催
夢醒繡被猶翻鄂君浪

出北門 初定陶民縛蕭學義學禮以獻陳令訊而釋之及亂陳以入闈得免攝篆賀君懼其酷焉賊入定陶者六十人其魁則二蕭猶朱成貴徒也

真令庇賊不忍誅攝令遇難署領殊真令養虎合自噬
攝令之死無乃非其辜定陶城車可過賊已發官猶卧
夜半倉皇出北門殘星無光弦月墮垂涕訴太守太守
驚欲死太守急發兵兵羸安可使徧山遇賊才一呼滿

地紛紛積弓矢兵敗走官走不脫身獨留賊刃交下官
命休姚令死昏昏賀令死昭昭二鬼地下語乍可作賀
不作姚官兵收復定陶日真令猶思再供職若然真令
竟瓦全攝令煩冤安得釋

捍孤城

賊既戕二令出屯于野通聲援于滑熊觀
察介茲乃自河上馳入曹守空城賊聞欲
還攻蒲連集張鵬等以鄉兵距之
久而張敗其敗也城守之兵始至

官兵未集鄉兵起蒲連張家十三子裏創血戰二十日
為捍孤城誓同死官兵不來賊漸多鼓音不起奈戰何
可憐一炬半天赤壯士無家歸不得殘鱗敗甲向東關
但仰軍儲升斗食軍儲祇合待官兵官兵一來官府驚
鄉兵無事安可久坐食立時裁遣歸鄉耕牛椎作脯犁

作薪刀劍欲賣賊未平丈夫戰死亦不悔凍死餓死徒
吞聲

沙場月

孔家蓮阮戰亦苦屢挫賊鋒賊氣沮長蛇積怒恣毒螫
勢將一炬成焦土適聞官兵駐村後主將威名闕如虎
具裝健馬二百匹步卒倍之成一旅遣迎致賂肯入衛
堅陳堂堂樹旗鼓明朝賊至鄉兵進恃有援師謹欲舞
軍聲始合中權奔淝水苻堅走朱序父兄子弟多併命
戮及嬰孩殘婦女國殤烈烈宜明禋厲鬼啾啾羞夜語
此時子玉能收卒師不輿尸賴以律疾走隣村索飽餐
三更靜看沙場月

相公示

客從徐州來有冠不加纓借問客何意恐人呼作徐州
兵徐州客兵一入市大商小販皆收停傳聞客兵昨初
過百姓都愁客兵餓筐筥爭前餅餌香安知攫食無錢
償賜睽怒目巖電光一瞋辟易誰能當老兵不知官府
意官府深知過兵弊君不見令嚴糧足不擾民到處高
懸相公示

好官府

金鄉令吳君階摘奸發伏首禽蔡五倫崔
土俊皆渠魁九日為城守計十日賊發更
推李卓立為首縣不可破掠于野吳
君說齊海二將出戰敗之尋禽卓立

金鄉民涕如雨奈何奪我好官府好官初來刑罰嚴百
姓十人八九嫌一朝首發崔蔡難僚吏沸騰賓友嘆誰

知重九鞠花杯暗躡孤城四圍看明日豺狼當道嗥書
生親手拔鞞刀乘墉子弟聲雷諾出郭將軍受豹韜鄰
境紛紛飛白羽金鄉一城如卧虎循聲從此冠山東借
寇安能重乞汝使君去汝心亦悲汝送使君雙淚垂使
君平日不能飲飲汝眼淚三百盃顧汝丁寧向汝說汝
之新官能汝活歸家好好看冬田祝汝今年有甘雪

雙鑠翁

省中聞警撫軍同大駭集議都轉劉公清
主速勦請以輕兵先撫軍持重不決劉公
爭之急久而獲許凡聞警二十日始發兵劉公疾
馳力戰九日而賊平方劉之戰也鎮軍陳公股栗
不能騎乃運
籌于幄中云

軍中有一劉逆賊聞之相向愁劉公拔萃夜郎國試吏
錦江綬初墨是時川楚兵縱橫惟公義烈為干城峻節

親從賊口說

至尊始識青天名凱旋十年公漸老忽據征鞍光彩生
卧槍將軍工協律夜半軍書催曉發五花驄馬試牽來
欲上先愁去超忽白云壬甲有神機羽扇新看上將揮
劉遐萬眾雖縈策得侶陳平六出奇功人功狗從君擬
自作軍鋒期滅此風勁弓膠折更彎露凝劍血腥還洗
一聽征鼙怒若雷波騰鱗駭陳雲開歸來却入將軍帳
更與將軍共舉杯

萋萋芽

女兒隨孃男隨爺出門去掘萋萋芽淤地芽多沙地少
傾筐未盈日已斜道旁行人不解事道是采藥供醫家

駐馬一問訊欲言涕墮紛如麻頻年赤旱苗盡槁今秋
淫雨敗我吉貝花雨中况有賊竊發縣官走死民遭殺
流離半月晝夜驚得脫餘生才一髮幸遇劉青天日日
載米來鄉間日長米少不敢食留度荒春難復難掘取
萋萋芽歸作萋萋粥亂掩柴門相抱宿天不雪無麥苗
天若雪眼前凍死何處逃只今世上無鄭俠
聖主安知鴻雁鳴磬磬

州衙水

濟寧牧王喜與土木以媚神亦頗嗜聲色其催科也以軍興梏士于庭公子尤豪橫

能陵轅州將
并及星使云

汶水清泗水清兩水合流環沛寧城中萬家飲清水商
富民醇土風美何意州衙水獨滋一飲令人頑再飲合

人癡癡頑老子今有之亦知肉糜堪療飢楊家壩上新
樓閣玉露庵中舊禱祠感應懸同孝經速風雷敢道六
丁遲濟寧之城七百雉養兵二千安所使富者且貧貧
者死疊疊官書索租籽銀鐺擲地鎖青衿羅綺裁衣分
媚子郎君鍊鐵作寶刀佩向軍門意轉豪不教小隊隨
呼出甘作尊前刎頸交豸冠星使倉皇絕罷酒停歌改
顏色嗚呼廉藺亦何人罵坐灌夫容豈得

九女集

紅旗飄飄九女集三賈銀牌挂當臆撫軍云此是義民
川出搜巢著勞績我聞鄉評殊不爾賈氏頗多無賴子
一朝官府用鄉兵恩怨分明從此始恩卽護持怨卽殺
白布一條強束髮囊頭呼暑長官庭縱有煩冤安得達
未曾死賊却死兵重典今日爲祥刑痕侵黑索骨潛碎
血化歐刀鐙夜青四年仍飢戶暗滅况復干戈碎心膽
頽垣往往斷炊烟浙米矛頭竟誰敢

妖狐魅

金鄉李定陶蕭身旣作逆首妻女安可使倖逃果然蕭
是妖狐姓囚服當階猶顧影不知夜半魅何人曉起乘
車東出境居民被害怨次骨追向中途控車鞞問渠那
得聽自便官有文書文有印罪人不孥曠蕩恩此恩或
者出

至尊如何區區百里宰法外施仁乃至此噫嘻哉手無

介在齋詩 卷二
尚方斬馬劍不斬此官有如水

閉城門

閉城門閉城門城外車馬如雲屯入城不值將軍今日
中直至天黃昏設官以衛民設城以衛官官民既隔絕
安用守此一彈丸君不見四鄉發火光照天兒嘯女哭
終夜喧不知村落蕭條後官閉空城誰與守况復城中
百貨無軍士食麩馬食麩朝朝城外聞追呼

黃雀悲

黃雀遭鷹鷂所坐肌肉肥雁鷁啟鳳皇云搏鴟與鴟鴞
梟太橫不敢搏搏食黃雀聊伸威毀巢破卵無子遺鴟
鴟來黃雀飛鴟鴞去黃雀歸黃雀歸雁鷁來雁鷁來黃

雀悲可憐黃雀悲鳴日正是鴟鴞得意時鳳兮鳳兮安
得知

濟陽途次遇雨旅宿既寤不聞雨聲疑有雪喜作

驅車逐塵堞小雨忽星星不惜征衣溼所希原麥青殘
更隨戍角虛白晃疏櫺竟慰遺黎望方知頌雪靈

讀史

虞詡陳倉竈日增馬隆轉戰樹機能也知龔遂單車好
劇賊其如有杜曾

拉虎排熊自一曹據鞍叱馭興都豪并看細柳成兒戲
有幾方城沈子高

李崇何事妬王羆一樣謹聲應鼓鞞忍死休教牀下伏

岑彭端不媿男兒
金帶橫要酒半酣狄城未下魯連慙言言覆案來君叔
不畫雲臺意亦甘

自定陶還鉅野

却出東郭門雜樹羅道旁中有雙白榆槃槃堪棟梁大
道直如絃驅車獨徬徨懷茲龍蛇蟄歸卧金山陽中夜
聞鳴雞心熱如沸湯安能假羽翼一舉登九閭左顧窮
渤海右顧見太行

時聞滑賊潰而東西竄

田氏東園井

朝日未照窗何人踏霜葉伊啞聞轆轤知是井上汲
穿地十二尺湛湛見清水何不用溉田坐看禾稼死

井泉利最久一夫溉十畝不見百尺繩商顏汲龍首

漫與

軍儲一夜唱量沙又聽催租萬口譁小吏有才工度事
長官無賴坐排衙火城百雉宵光燭野哭連村少婦髻
安得重逢天雨粟不教逋賦困公家

黃梅花

梅花不畏寒黃梅發更早凜凜巖霜中翻使顏色好主
人勤愛惜包護用茅草唯恐風暗吹祇餘日斜照豈知
絕天陽一闕生意槁所以戒握苗無爲合大道

長至

笑拈窗外黃梅嗅知是天心應復來滿眼干戈消戾氣

一時盤錯見長才游踪飄泊親朋遠歸計遲留節序催
未敢預愁風雪阻椒花願及頌新醅

雁

南去北來何所營隨陽知否鑿葵誠稻梁計拙羣難飽
增繳憂深宿亦驚風急行斜多薄莫霜寒天遠易邊城
九臯有雀鳴相和不擬乘軒骨最清

西上

西上太行山行路一何艱陰凌礙馬足十步九坐歎犬
壑轉委蛇中有脩蛇盤吞食虎與豹出入無定端雄劍
既已化凡鐵柔且頑一失割斷機嗟哉復何言

聞司家寨大捷首逆就擒詩以志喜

樵竹方深

聖主焦淇園忽見燒蕭條民因土沃難逃劫將爲功多
定不驕車下詩成桑野蠲侍中榮過漢庭貂洗兵好挽

黃河水仍注銅豐萬福饒

時睢州河
決未塞

常開平鐵槍歌爲開平裔孫冠英作

槍沈鄱陽湖中
罾魚網乃出冠

英副戎濟寧從
其戚購得之

魏武橫稍賦鹿鳴虞翻倚矛注周易古來擊刺須長兵
劍術雖工一人敵平生嗜好有如此魯國來尋戰清蹟
衰周代遠蕪沒盡隴上深耕少遺鐵當筵眉宇忽飛動
出水蛟龍矯且軼晶瑩七尺紅珊瑚老榦亭亭淨如拭
網來定自東海底未信鄱陽有神物初如潛虬待雷雨

泥汙苔埋深晦匿忽如王鮪離山岫倔強衝波對人立
觸舷鏗爾聞金聲老漁手柔掣不得摩挲始見大將名
從此飛騰世人識開平善戰無等倫豈有利器成拋失
當時親操舩艫舟縈繞漢軍入復出應由地逼利刀盾
故把神鋒輕一擲邇來四百四十年刃上朱殷尙留血
冠英錚錚起營州拔蹟虎賁分節鉞歲寒觴我酒正酣
得展英風信奇絕昭昭我祖亦濠梁射虎臺邊卜新宅
強弓大箭今何在却弄毛錐究詩律還君此物三太息
我方學耕須鑄戟

官軍破滑縣賦得百五十字

滑臺雄勝地道口况儲糧先據敖倉粟仍嚴困獸防

先復

道口而後合圍楊提軍遇春之謀也登巢初踊躍負戶已蒼皇

詔許投誠活魚偏戀釜僵頽垣飛鐵杖暗阱架虹梁莫
應蕭茅哭誰窺鄭井狂狐雛填馬足蓬首壓車箱卷旆
西風立吹笳落日黃血青多化燐骨白總疑霜俘已
中朝獻鴻猶大澤翔春林巢有燕土在怪生羊帝極憂
民困時宜得吏良薪然已息燄絃絕許更張此日牛橫
帶何年雉下桑願言弛束縛慎勿重周章

遙聞

遙聞清渭濱逼歲動征塵地肺終南接江源蜀棧親八
年經討伐諸將各艱辛今日詢遺策應多百戰身
太白夜生芒秦兵氣必揚機原乘破竹執卽等驅羊轉

介存齋詩 卷二
漕三門險搜巢六谷長因思鍾傅績坐鎮亦非常
隴蜀昔合執况今惟一區蒺藜平軟屐陳寶碎妖書板
屋同仇易軍心挾纊如所嗟在人命鋒鏑本殘餘

除夕

辭家三月近改歲此宵臨百感熏爐火深杯壯士心及
晨餘一劍味世識多金好作春田計天緣釀雪陰

介存齋詩卷之三

甲戌至庚辰

正月二十四日小雪其明日雪大喜而成詩

四年山左苦赤旱去冬無雪愁仍饑飯餘上馬出西郭
似有蟻蠓相逐飛因風眩轉塵亂曉得暖消化珠盈題
南窗擁爐獨高卧漠漠天色垂簷低漸密先令意蕭爽
乍疎復覺心狐疑須臾執合風轉急縈繞驛絡千蛛絲
忽驚一瓣似梅大終年不見成新奇千花萬蕊落復落
地下稍稍塗銀泥直知一夜沒馬耳豈意曉月揚蛾眉
食時始復見飄蕩紛糅雜還離披歡聲萬戶盡雷動
絕勝論斛量珠璣且欣有麥果夏腹何暇顧粟生春肌
獨斟濁酒不成醉爲念西土寒無衣

遠遊

遠遊必動倚廬情爲讀遺經百感生雪裏殘更聽轉逼
寒多歸夢續難成許身何地堪投筆閱世傷心但指楹
獨有隆中解高卧梅花落後看春耕

贈嵇久之太守

鬚髯如戟眼偏明湖海襟期許共傾我負狂名君負謗
相逢只管話蒼生

泉林遺蹟久荒蕪汶泗經流任有無不比離堆與龍骨
世人猶是惜工夫

鐙紅酒綠市聲稀殘雪庭陰耀素輝官况蕭條仍作客
不知家世是黃扉

春陰

春半連陰未放晴獨騎驕馬郭西行王孫綠淺遙迷望
楊柳風多暗繞城白眼不辭村酒醉絳唇何處杏花明
韶華翻得餘寒力留取芳菲晚更榮

冠英副戎合四營校獵詩以紀之

朔風猶怒士氣驕將軍健鶻思解縑連鑣百騎出北郭
九女堆邊日色惡初張兩翼次三驅狐兔悲愁出叢薄
臂上青骹果神駿直起橫捎試雲陳翻然一擊當馬頭
功狗微勞此時奮割鮮野飲意有餘醉與將軍共馳騁
書生每聞髀自撫志士誰令髀徒運王述蟻封頗閑習
杜陵白帝空顛頓解裙縛袴猶急裝緩帶輕裘豈高韻

介存齋詩 卷三
歸鞭稍促黃塵起血赤殘陽射眸子賴是今年小麥青
逾時約射尋媒雉

應憐

同是天涯客應憐最小身郎當聞鐸語蕉萃作春人意
密么絃訴歸難旅思親安知覆杯者遙夜憶西秦
端四日常副戎招飲卽席有贈兼呈介茲觀察時用
兵之後不雨連月旅人觸事不能無愁

不聽清歌已十年無端定子忽當筵罷觥步窄愁難穩
絃索聲多感易纏索月乍醒刁斗夢帶人剛值舞雩天
爲君一醉拚顛倒如此風光劇可憐

惆悵曲

并序

執徐之年建辰之月蘇臺旅寓遂洽琴心暇日經
過乃逢姝子笑長卿之竊貲豈嘗越禮陋幼輿之
折齒差未投梭及乎首夏之日櫻筍並陳恂欸之
言肝鬲都盡悠悠造化理曷能齊一違八載及此
旃蒙蕭寂山寺之中惆悵風雨之夕忽思往事遂
觸餘情盟無割臂何慚決絕之篇卜任他生且錄
風懷之什後有君子諒之而已

山中春盡啼鶻咽陰雲如磐壓簷急朱絃挂壁慘無聲
八載清商爲誰歇紫藤垂地何悒悒巷犬不鳴春意深
紙閣蘆簾養花氣金徽玉軫酌知音琵琶淥水浮紅舫
多少珊瑚遺鐵網早看梳頭莫入帷盈盈脉脉妝樓上

介存齋詩 卷三 三
揀盡寒枝始欲棲楊花無奈待沾泥呼來雙燕銜難去
吹向微風東復西堆盤如豆青梅脆羌管聲中含別淚
墜葉明珠曉露晞離腰寶玦連環碎宛轉迴看掌上身
蟬嫣忽斷眉間翠於今七度送殘春春自重來人不再
魚鱗波急動三秋織錦題紅意未休忍淚何人看着筆
凝妝無日不登樓自憐薄倖非真薄鸞豈孤鸞鴝雙鴝
情如皓月浸澄潭遇比浮雲過山閣撫枕誰知感萬重
挑燈復恐僧先覺花落未妨風雨催落花片片霑蒼苔
粉香雖盡憐難盡夢繞清陰知幾回

屠孟昭靈壁石名曰角鷹

伏莽饒狐兔神鷹竟不飛一鞬秋夢穩千里勁雲歸句

始精初隕陳倉賽漸稀閒庭餘燕雀期爾振霜威

重至北固山房訪石雷上人留贈

十年前共山僧話盛氣蒼茫欲食牛羽息鵬知天地窄
露溥菌喜歲華幽當窻種樹延新綠卧榻看雲憶舊遊
不及荒江老漁父一庵終日對浮漚

仲起席上

蜜炬光生綺席塵萍踪多幸此相親坐中快士如晴雪
意外狂花得美人疊鼓令嚴傳琰急六么拍促點鞦頻
年來英氣消仍在未敢當筵乞醉身

資福寺看牡丹

幾日連陰花有神也應得似故園春無多江路歸難定

介存齋詩 卷三
采得文無且贈人

五月庭中繡毬作花率然成詠

一花忽見中庭發瓊蕊瑋英相對出本來見汝伴春鼓
長夏猶能尉岑寂唐昌老樹豈足多隨分于人便相惜
千皴萬疊勞剪裁化作空明映初月夢折梨雲與白人
落梅飛絮空紛紛萬竿綠竹一溪水安得扁舟理釣綸
真州小集重見歌者忽憶山左舊遊慨然賦贈

急管催離讌歸舟尚憶君烽煙鄉信斷琴筑客愁分何
意來江國翻然見紫雲十年仍落拓莫笑杜司勳

酌李公襄見贈自書詩

斯冰魂散不可招完伯山人生

大朝神飛色舞蕩坤軸左馴怒猊右掣蛟少年絕恨未
識面江都李翁與最善李翁亦工柔翰書嘯樹低腰飽
曾見墨卿太守知撥鐙鑿險絕代包生能翁之所交旣
數子况復于吾忘年齒十年不見頭未雪尉借窮愁豈
神術袖中一卷自書詩讀罷仰天三歎息

沈沈苦雨埋新秋農興獨坐襄百憂展君新詩爲君讀
不覺神與孤鴻遊山泉漱石泥滓盡枯藤垂蔓援饑猴
野花忽發一枝笑西南初月黃銀鉤人生貴自出新意
優孟衣冠苦兒戲懸解纔知吾道尊眼底秦山成破碎
李君卽今貧澈骨雨中更少朋遊詣不如白眼且放歌
階下苔痕老蒼翠

過元詩

丹徒有豪吏籍家戍河陽旅沒三孤幼聞訃但哀傷水
陸二千里歸櫬何所望過元尋常僕發憤潛慨慷同輩
豈無人執敗久遁藏裹襪從此去咫尺視川梁吏死仍
負債紛來索元償一身餘乞食何計來白鏹中夜向殯
宮暗泣淚浪浪惟當抱主骸徒步返故鄉君棺見白骨
斲挺如骨長麻繩相聯絡解被縛作裝向人說破畫背
人奠壺漿歸家見幼主足繭一寸強林空鳥徒戀安得
不飛翔况彼賢主人俾督困與倉乃是阮中丞奉
命撫巖疆名士走若鶩惟恐不登堂再三招過元呼兒
齊輩行不知因何辭辭以母髮蒼援筆愴余喪斯人今

則亡

哭殤姪阿槐

并序

吾有七姪惟槐最慧老母及弟鍾愛固殊九歲而
殤病六日耳吾歸始知哀悼累旬輒有抒寫不足
云詩

客中吾寄書問爾讀何如歸來訝慈母流涕滿衣裾夙
慧求難得家聲繼有餘生薑田畔土不忍見揮鉏

兒死
葬宅

南生薑田與殤
姪女阿寶俱

吾年垂四十未有膝前兒諸姪雖長大何人頭角奇園
中所種樹風折最高枝此讖誠非偶先知或可爲
汝父未竟讀倚兒文彩振凡吾所輯錄爲爾益精神雅

訓纔終帙周官始及春遺編忍重見寸積案頭塵

如此蓬頭子寧生王霸慙見人知禮讓與眾異嬌憨苦

謝遺棺漆三緘賜墨函細詢臨没話熱淚那能含兒自

能送父母終老死當殮以素棺從之去年冬愛吾一書

篋子而不敢言吾知即賜之其歿也凡吾所賜筆墨皆

皎皎中秋月誰攜稚魄看吾憐汝父病對酒不能歡復

恐傷親意潛為制鼻酸楠榕來索餅棖觸又汎瀾兄子

子榕皆小於槐槐能憐之

已定移家局揚州小滯淫詩書請業易燈火共宵深遂

汝從遊願寬吾望子心吁嗟此事已宗竄二毛侵槐每

母為人當如二伯父予弟告槐但汝自能衣食便宿當

家遷揚州自教兒讀兒竟以六月歿傷哉

欵血自歎

勇色吾皆好傷心更哭槐火淫侵病肺血損卧茅齋妻

妾久知懼賓朋尚進俳解嘲聊止酒兼免拔金釵

示弟

汝喪佳兒能不哀傳經心事我猶灰即看憂病傷親意

且復扶羸仗藥材手製參苓頗細膩口貪魚蟹略遲迴

新春香糯堪為鬻一日何妨進十杯

有感

少陵上樹千回健太白當階六尺雄文武不成虛壯歲

深宵秋雨戰秋風

塗中見載牛骨者

頗聞官禁宰耕牛枯骼仍看滿泛舟力盡斃應無許眾
農貧事盍借前籌燕王馬骨憐神駿秦相羊皮託蹇修
已是客裏饒感慨椎埋風俗况堪憂

紀事二十韻

金葉殊方表香山互市洲蜀原通大夏駱卽越東甌蓼
角沙全避鼉磯島暗浮張瑄開別道王濬造新舟撒殿
珠雖進橫署劍尙留那應容在膝竟不屈螭頭浩蕩聞
天語蠢頑赦泮酋休屠收鑄象离畢饗椎牛漢大塗難
測夷貪

賜總優護行勞屬國供帳動諸侯誤上長干塢平窺建
業秋筆呵羶角細圖寫涉釐稠楚嶺莊難度秦邊趙坐
籌重臣裏汲黯設險念渠邱側貳封加洗孫盧殄自劉
巡攔今約束關白古戈矛風引仙靈竊波揚汗漫遊四
夷遵道守重譯罷兵謀豈有蒼鷺出終須白雉收祁連
埋驃騎高冢使人愁

劉松齋都轉 奏改登州總戎

百戰身存鬢已霜自嫌籌策遜宏羊牢盆舌避南箕翕
虎帳星騰北落芒獻雉近聞來碣石挂弓今合到樽桑
青州疆域逾遼海安得秦鞭架作梁

回首

歐血精誠墨未乾江河回首恨漫漫丸探赤白鉏奸易

氣識金銀指佞難鉗網獄成皆故帑泥犁業在是旃檀
鰕生憤獻奇章弔傳與揚州杜牧看

恩生怨死快當年功罪平分亦可憐蟻穴隄防軍令肅
牛刀肥瘠水衡權碑存峴首墓遺愛鼓動尼山媿昔賢
身後姚崇仍得計曉曉病榻笑中元

除日自真州回揚途中口號

真州客舍畏除夕作計揚州度歲除竹外酒旗斜颭處
家家春帖換新書

有田竟不歸躬畊歲莫擾擾何時寧肩輿泥滑五十里
地上騏驎如此行

鼠齧燭

旅人被酒亦復醉未覺鼠子緣書檠朝來蠟淚見狼藉
歎詫如有奚奴聲梁懸腊肉瓶蓋粟久不與汝填飢阮
膏明自煎苦未盡饒口敢爾來相傾復壁潛輓劇詭闕
况乃柔猫本蕉萃李斯但欲作客卿張湯焉能爲酷吏
黑殘髮鬢金蟲飛白踏縱橫落梅細奴兮奴兮爾勿嗔
此物應支生有神但留書卷破我宋餘者何足勞紛紛

上相二首

漢使星軺未卻回流離雁戶久堪哀民難自裕三年蓄
天豈能爲合例災破牘虛傳良吏補驩聲剛值令公來
直將飢溺聞堯禹始是

熙朝上相才

介存齋詩 卷三
口分工博惠慈名號社湖邊訪政聲劉晏馬鞭工自捉
馮驩兔窟幾時成如聞棠邑推誠復更勝河南矯詔行
浩蕩新恩黎老泣屯膏豈愜

聖皇情

乞食

牛衣一任改寒溫薄醉聊傾老瓦盆久笑青蚨驕白晝
虛勞村犬吠黃昏不差妻妾風逾古獨拙言辭體自尊
席地幕天伸腳易故人多少傍朱門

埽墓南歸

蒼葭結寒露黃葉隕高秋野水不計里片帆何處舟
瞻依餘涕淚顏色在松楸抱母傷繁植孤根不暫留

新月

誰憐一鉤月寒出小樓西已送殘陽沒全臨野樹低
光融墓泐吻魄死藥磨珪後夜中天處南枝任誰棲

紅衣船

鬼薪城旦爾何名慢櫓輕篙傍我行未必英雄非此輩
紅衣高颺萬船驚

短歌寄徐二良卿

鬱鬱復鬱鬱短歌寄徐生廿年文字交相望如晨星當
時夫容下松醪必同傾醉後發高唱肝膽何縱橫君先
鍛鸞翻我亦逃時名霜楓點胚血古寺寒聽經忽爲海
上遊賦潮對滄瀛中宵偶彈鋏未免裏不平頭顱各如

許歲月徒崢嶸韓康竟賣藥高密還躬畊躬耕輟耒歎
魯衛纏刀兵鑿枘旣未安牢盆隨所營邇來逐賈豎焉
避銅山腥作酒不厭濁作水不厭清如何清濁間酒水
兩不成不畏故人笑所畏故人驚故人慎勿驚浮海終
難行駑驥旣同阜中阪空哀鳴烏倮亦何辱季次亦何
榮東陵與柳下傳此好弟兄蓬顆蔽高塚賢否誰能明

雜詩

不讀太史書不知慕朱郭誰能無睚眦不見客頭落書
生得一劍自號青夫容自磨自愛惜酌以醇耐濃北風
夜吼露華瀟鐙下蛟螭向人立欲舞先愁收不得擬飲
誰家負心血酒亦不可飲劍亦不可磨紛紛恩怨何其

多朱兮郭兮奈爾何

作鷹不作臂上鷹作馬不作絡頭馬朔風滿天霜滿地
直上橫行意瀟灑少年借酒乃神王此是英雄寒乞相
醒眼纔知天地寬不辨相爭辨相讓人皆子子獨有餘
指爪便足神龍居飛騰變化在雷雨豈有鱗甲蟠泥塗
垂天大翼乃鵬累六月之息何所容其軀

博徒與賣漿傾倒魏無忌買絲繡平原長吉爾何意論
斛量珠換歌舞若耶採薪淚如雨居奇只有范大夫笑
殺秦時洛陽賈奔蹠千里漢帝求椒房衛霍先封侯不
然豈有匈奴種直至呼韓兵始休陸戢東方朔褰印朱
買臣紛紛諧媚各有術不及公孫布被親

大臣法小臣廉澣衣濯冠古所嫌併兼俗成無貴賤
者驕淫貴者羨金張覆轍太分明司馬夫人敢衣練當
時四十八萬人頌德惟稱安漢儉君不見林邑神師行
萬里搏象淋漓血盈齒黔驢戀豆醫空槽飢虎遭踉技
止此青虬玉軟賦大言策蹇誰能憐舉子
燭花不翦燭不明零落金蟲那能惜機祥小數或有之
不悔粗豪悔姑息始皇竟築萬里城雖亡天下心已平
功垂百世易一姓天地何爭劉與嬴此後無人見此意
局促轅駒可憐事焚書不敢敢求書四百年來增識記
瞽儒擗筆圖不朽誰換黃金誰覆瓿天傾地陷昏不知
佞妾頑童競多口

天不得不西北傾不周之柱空亭亭女媧能鍊五色石
究竟頑質無光明鍊石作天元氣塞搏土爲人肺肝別
不遭洪水換九州堯禹焉能再開闢龍蛇起陸非殺機
殺機乃在鍊石時何年天傾女媧出寄語鍊神休鍊質
窺天勿用鏡窺見天質如玻璃玻璃可碎天不碎獅霄
有翼安能飛罡風不可當化爾骨肉成遊絲遊絲不化
骨肉化罡風之力何能爲不能有化無能化有知爲無
知豈怪眾星各曠職羅落四布徒離離小雅詩人不善
怨但怨北斗與南箕南箕北斗應自恨自恨名字爲人
嗤搔首問星星不語中夜風多隕如雨
亭亭古柏古鬱鬱長松長尼山黃帝知夢覺我欲問之

吁已亡人生難免一抔土精氣何憑留萬古古人望今
人今人與古何情親今人望後起後起之人路人耳同
生天地作蜉蝣快意當前卽心喜金堅漚脆皆須與伯
勞飛燕東西殊東飛不解西飛意伯勞呼燕何其愚

感事卽簡二愚

文章司馬甘長賤心計宏羊苦未工局比平吳煩

聖慮神終移谷慰愚公繁稱博士書驢券夢想單車佩
犢風如帶黃河縈眼底祗應閒煞射雕弓

不見叔翹十年矣過存揚州賦贈

十載相思鬢各秋竹西夜話不知休地消戰壘星芒斂
仙入詩心海氣浮豎子登壇愁跋扈佳人開卷見風流

英雄一例皆黃土辛苦生封萬戶侯

題許叔翹說劍圖

湛盧未去國鼠輩欲從橫秋水夫容發空山猿鶴驚蒼
涼歌古調鹵莽謝時名必遇徐洪客方知老大情

書許叔翹從軍紀略卷後

古寓兵于農今寓將于士寓兵作其勇寓將厲其志不
然承平二百年小醜跳梁何術制羽檄徵兵轉餉難中
宵風雀動江關定知劇孟非豪俠猶在條侯疑信聞許
渾跌宕原詩客那識談兵有奇策輕揮白羽度如仙兀
坐交牀心似鉄推誠伍士醪屢投抗揖名卿鞞爭結已
將大義伏椎埋肯累清時破資格浩蕩江湖養四靈趨

踰臺省辭三傑相思相見動經年握手量須各黯然良
金豈躍不祥冶古井自冽無波泉秋風颭颭長淮路買
醉聊從村酒務歲在揚州大有年雞豚隨優成賓主莫
憶剗羊饗士時蕭蕭雙鬢已如絲故人有約君須記贈
爾邛嶧竹一枝

九日虎邱後山作

重陽易風雨晴日賞宜頻寺背磴斜落溪頭意忽親荒
阡足故鬼深樹出村人未信隔千步全生羅鞵塵
客路滿秋水鄉心隔秫田聊呼半輪月白墮酒尊前門
駛隣船急垂鐙岸市偏那應容少伯獨卧五湖煙

折梨花行

晴窻炯炯春禽喚覺後依稀暗嬌面擁被回思夢裏人
一簾紅雨啼春怨憶扶殘醉東城東初看笑靨桃花紅
六尺氍毹試垂手欲搖不搖風困柳燭光劍氣相吐吞
那得當筵肯辭酒蘭芳玉白羅襪裏試結同心聞報可
清宵杳杳月中天煙視朦朦春解鎖此時此際相憐惜
萬古千秋意何極一樹梨花識斷腸吹開悔着東風力
爲君鞭馬渡溪橋爲君親折園丁腰馬上但愁枝葉損
路旁焉避兒童嘲歸來解髮初開鏡素蘂朱顏互輝映
深注檀心襲暗香斜臨寶月分嬌髻錦江豪客氣如雷
仗策親從河北來拊髀暗生新野嘆聞雞共有晉陽哀
離筵盡醉休惆悵縛袴安能辭鞅掌迢迢銀漢隔雙星

不許相親許相望燕子西飛日欲斜
殘春送盡莫咨嗟
明年春到重嘶馬不折梨花折杏花

七夕

正及穿鍼夜來同說餅涼匆匆
舉翠幕欸欸浴蘭湯
帶量新孔征衫換急裝味回瓜蒂苦情續
蕩絲長驗扇輕羅在看星密意將蕙
惟簪丛蒂蓮不采空房雙暈微生頰
橫波暗溢睚依然攜素貫焉避嚙甘
狂拭月安眉鈿流雲動尾鬟帳深憐
稍恣鐙背笑難藏教躡文犀履重添
寶鴨香相思然瑞草消渴進瓊漿頓
覺蕉心展全疎鷓綬防雲飛幾鴻鵠
水宿兩鴛鴦絮絮蛩偏急蘧蘧蝶太
忙遊仙真有枕何必賦高唐

祥符間馬上口占

短衣長策上征驂貫把疎林當畫嵐
秋燕亂飛湖草綠
昨宵涼雨夢江南

欲歸

篷窗回首感秋風岸柳蕭蕭綠幾叢
撫枕竟無懷夢草
出門真作可憐蟲浮雲是處迷遊子
大澤誰人賦斷鴻
已買閒田歸未得牽船何苦學張融

淮陰雨泊

短篷無日不天涯攬鏡蒼茫感歲華
細雨一窗歸社燕
新詩初藁動秋蛇抽豪上客身空老
罷釣王孫計亦差
濁酒自傾難取醉夕陽還與散餘霞

憶昨投鞭渡濁黃劍頭吹映忽生芒月明草樹迎飛轡
風定弓刀立夜霜功狗由來無了局勞魚到處是殊鄉
不因胯下難忘報爭肯從人索假王

寶應感事

湖水碧溶溶黃流竟暗通一從珠彩失長歎鳳巢空薄
醉因沙蟹新寒入草蟲蘆花輕似雪休認玉玲瓏

不寐

撫枕聽殘更月明天未明濕雲連水氣柔櫓和雞聲涉
險惟忠信持危見性情何須感邱貉各有及晨鳴

誤入

誤入摩登舍天花散滿衣合尊初嘯侶朗月正延輝曲

兆秋江別鶯交夏木飛破瓜原碧玉上馬卽明如眉語
才通歎心兵暗合圍耿侯雖落落魏相竟依依奪盞收
璫液停梭下錦機謝鯤捫齒在阮籍卧壚稀珠未量金
谷眉先對翠微從茲防打鴨無復和呼豨半臂猶祛冷
連心尙慰饑祇應抱柱死豈有食言肥桃葉迴雙檝楊
花促四騑別憐經月苦路恐再來非肘後連環鎖堂前
薄怒磯真躔磨蠍限欲唱華山畿跌宕爭搴袖支離獨
掩幃鳥難分共命藥且恃當歸落店餘巉骨臨流舞素
翬淚痕裙袂檢心事枕函違絮語增多感深情苦畏譏
由來中婦艷難得碩人頤襲美須被褐持盈必佩韋從
人乞鍼綫避母卸珠璣信誓空申旦牢愁但繫欵換巢

無屬玉在室羨伊蛾汧渭誰簫史滄桑我令威可堪身
畔影預卜見時希芻束星仍燦良占望已幾連城完趙
璧看竹待王徽碧化三生石紅銷一丈薇夫容盈去路
重似憶春菲

瓜洲早發

心事登樓賦行程上水船露蒸初出日山擁乍寒煙埕
影金鼇失江聲玉壘傳論才裏楚蜀輕薄戒詩篇

江月

秋月搖江動素瀾秋風吹起倍高寒真無塵土凌虛度
若有胷裏放膽看萬里濤聲迎直上六朝山色失偏安
懸知采石明應到留取仙人白玉盤

秦淮

秦淮潮落咽清波短櫂匆匆客裏過無數紅樓簾不捲
夜來明月奈愁何

韶華爛熳要羣芳不似窮秋落葉黃此事由來關氣運
莫將寒儉笑清狂

莫愁湖

魚水君臣局已殘淥波光接素秋寒風雲每護佳人帳
巾幗應登上將壇漁唱晚歸彈鋏和雁書遙寄埽眉看
柔情壯氣無今古莫笑書生着手難

牛渚

南渡難收晉舊疆溫公早死任諸王非關水族能爲厲

介存齋詩 卷三
察見淵魚本不祥

采石磯邊日未曛碧雲黃葉各紛紛乘風已學龍驤過
不弔青山太白墳

橫江詞

岸生蘆葦水生蒲網打魚蝦稻打租江邊嫁娶江邊老
估客風波一世無

有時兩槳蕩輕舟郎在前艙妾柁樓月出東梁山頂上
與郎一棹一回頭

蠓磯祠

遙薦心香采白蘋夫人遺廟肅江濱二喬許作閨中友
雙璧難同帳裏身生嫁英雄何必后死封靈澤豈無神

扁舟我欲窮荆楚願乞東風滿一旬

望九華

蒼黃紫翠夕陽間萬疊難遮玉女顏亂比春紅皆好樹
不因秋瘦是真山風帆江上匆匆過畫稿囊中一一刪
聞道匡廬更奇絕安排青眼竚華鬢

聞角

荒江夜宿依荒堠多謝津人爲扞掖莫道奚囊無長物
今朝攜得九華秋

彭澤

既戀官田秫難爲高卧人扁舟歸已晚衣上有風塵

小孤山

飛來青菡萏正落玉盤中瘦極餘秋骨森然起闕宮不
行巫峽雨解助馬當風詞客徒輕薄彭郎一笑空

望廬山

昨日望九華新妝炫服凌朱霞今朝望廬岳霧鬢風鬟
映珠箔探奇選勝各一時豈有山靈分厚薄滄滄白雲
起山下翳翳朝陽色相射淋漓已將元氣濕蒼茫欲與
青天化千皴萬染翻渾成老筆荆關不能畫江湖浩蕩
多岐路山執南臨我西去何日親扶九節筇來看石上
雲生處

琵琶亭

調入清商十指寒月明拚與盡情彈千年一度青衫淚

識曲人多感慨難

法曲開元久不傳山歌村笛各紛然才人去後風流盡
宋莫江頭過客船

赤壁

短堠蕭蕭牧馬鳴綠疇如畫繞江城扁舟欲問重遊處
落日應知萬古情

口占

西南天際月如鈎影落簾櫳處處愁過盡征鴻無一字
不知人住葉家洲

贈余鐵香卽題風篁館詩稿後

甲夜嘯吳鉤從誰索髑髏白揮鴛鶴動瑩散鷓鴣愁定

介存齋詩 卷三
憶三生石安知萬戶侯塊麤難一飽技小易千秋山冷
龜藏殼江空鶴去樓有人彈鋏和應是抱關儔

十二艷品者鐵香感蓉隱詞事爲翰風作也翦鐙反
覆系之以詩時遲鐵香不至卽以束之

江風忽怒號萬里吹浮雲客心慘不樂中夜憶離羣少
日朋遊易徵逐生芻處處人如玉華鐙一拂劍花紅銀
船滿泛春波綠角材鹵莽相搪撐弔古蒼茫互歌哭炫
奇已鄙馮煖魚躁進猶嫌曹劌肉邇來衣食各奔走雨
墜星分十年後簫寒伍相瀨邊漿筑和荆卿市中酒佳
人眇睽光采生羽衣騎鶴吹瑤笙夫容招手碧雲下不
動春風如有情宣南秋話應多慨一半襟期落湖海菊

部年年換錦衣舊人那得何哉在昨見之子江之東興
酣橫槩心膽雄忽披艷品訴哀怨巴狄一聲山月空寘
膝投淵等閒事升沉豈盡關天意蘇季無端十上書秦
人只見貂裘敝大別茫茫雪未消坐遲嘉客動蘭橈何
時芳草連天綠與子相攜踏漢臯

偶成

一局將殘復毅碁重鋤舞劍執多奇不應英略桓宣武
翻道王敦是可兒

後惆悵曲

昔以餞春日別月儀曾追賦惆悵曲及識茗華亦
餞春日也離裏棖觸更有斯篇

春盡楊花時撲面璧月湛湛照華譙紫邏鳴弦宛轉鳴
似代金徽訴淒怨金徽歇絕紫邏新負寵放嬌愁煞人
曲終不覺四座索定有三日飛梁塵流蘇帳揜星眸倦
私語如防動香篆一片梨雲墮掌中細吹蘭氣融珠汗
高樓獨坐易三更青鳥飛來銜素馨涼宵不肯看孤兔
要人相對吹瑤笙綠蛾雙蹙愁欹枕點點臙脂顰紅錦
藥爐經月沸松煙賤却沈酣河朔飲秋風一別隔江關
無數煙嵐擁髻鬢碧雲莫合夫容老元霜晨凝青楓殷
漢臯遊女多如織弄粉調朱門顏色薜華落盡不成春
癡雲苦壓簷牙黑荒雞警寒角角啼夢回鐙炮風淒淒
打窻似有葢地雪何處一雙黃鶴棲如聞已訂同心譜

世事紛紜或多阻珍重明珠是夜光人間祇合投交甫
欲呼真宰共靈談碧玉終須嫁汝南生才如此豈草草
墮溷休令怨蔚藍已嗟涉世同萍梗雄劍蕭蕭伴孤影
况復情天現劫身春蠶縛繭絲牽并萬轉千迴悔乍逢
春蘭秋菊惱嬌慵一聲動地蒲牢吼山寺無端午夜鐘

晴川閣

傑閣依山敞畫圖北襟南帶好規模諸姬不盡難成楚
西蜀如亡莫問吳估客帆檣平亂薺佳人才調沒寒蕪
隔江我欲招黃鶴玉笛無聲落日孤

畚鐵香見贈長歌

識字不拜章句師橫槩不從游俠兒銜杯醒眼看顛倒

三山復不尋安期十年浪迹在湖海非仕非隱將母癡
陰雲匝地釀酷雪翻然有客投新詩剡天巨刃抉我腹
三復歎詫心骨悲饑鷹側翅掠枯草乳虎怒目窺童麋
燭光炎炎宵吐蜺荒寒欲舞士稚雞挂書牛角不敢讀
摩挲白羽腰金鍬擊麀飲血枕弓卧夢隨徐福驅鯨鯢
古人已死不可追培塿狐魅非雄才龍翔鳳舞變光景
曦馭晝停天四垂蒼蠅凍縮那能笑君詩何苦窮搜奇
髫年楚蜀蹂躪狸火旗霜鍔供酣嬉滑臺百日罷騰蹕
長安三載甘羈縻坐搖柔翰豈不樂耳中往往聞鉦鼙
隨珠既往趙璧歸此事不復容人知白日下窺當告之
桃花廟題三絕碑後

獻舞歸隨執挺班無言猶是淚潛潛古人夫婦如朋友
絕世風流寫佩環數點梅魂身後影一尊客思望中山
摩挲遺墨情難盡畢竟從來艷不頑

寒玉

碧城寒玉抱初溫便有瓊簫泣楚魂細水縱能歸大海
芳蘭誰解惜當門西風吹雨人間路殘月揚蛾鏡裏痕
萬一重逢春滿眼天涯莫便怨王孫

除夕

年華似水去堂堂四十頭顱勉自強好爲故人留楚璞
不教新鬢點吳霜杯盤客路春消酒燈火江星夜吐芒
獨有離情兩縈繫英雄兒女各殊方

介存齋詩 卷三
庚辰正月二日泊舟回龍夾夢與家兄舍弟同賞庭
中薔薇早起霰雪交集慨然有作

一江煙雨掛帆遲三日新春有所思差喜鄉心聯棣萼
共傾芳酒笑花枝路難橐筆詩頻賦客久憐家夢亦知
正紀懽悰逢霰雪那堪仍是未歸時

薄倖

已向情天歷劫來蠶絲吐盡蠟成灰到門春水漂殘雪
伴鶴空山放早梅髣髴影琴邊人未老道書簾下卷重開
青樓薄倖渾閒事又遣樊川浪費才

潯陽阻雨

江流依舊繞城灣人似賓鴻去復還可惜凍豪拈不得

朝朝雪裡看廬山

風波如此欲何之三日潯陽枕倦欹處處春雲帶寒色
擁爐應是憶人時

讀南華經

安排豈有求全術消遣真爲取樂方閱盡艱難翻作達
傷心千古一蒙莊

渡汎

中流忽澎湃戍夜打頭風漸覺離家近遲看曉日紅倦
眸消露氣山色入孤篷指點秋毫路何年屐齒中

兄弟

羸卧蕭然吾伯子豐肌暗削互驚看始知鄉曲人情異

不減崎嶇世路難
草草田廬新燕鶯
寥寥父老舊衣冠
南村有日容偕隱
快語何妨且自寬

漫誇醉裡得天真
未必民風似古淳
形役敢忘終日戒
身安方許一臺春
摩挲竹樹留生氣
指點山川記劫塵
我是荆谿舊漁隱
肯將蓑笠付他人

庭花

庭花皆手種來值
不花時爲愛濃陰
好翻嫌滿月遲纖
織映簾額隱隱得
蛾眉欲借黃荃筆
先圖夜合枝

以兄子棟爲子漫與阿宣

笑我無兒忽有孫
從今不用掩柴門
能耕能讀尋常事
呼馬呼牛仔細論
世味嘗來雲過眼
機心消後酒盈尊

童駭相對饒天趣
花影橫階記月痕

小住

故園小住日開顏
落拓柴扉竟不關
入坐有人非俗客
舉頭到處是青山
衣塵儘被松篁笑
畫稿應將粉碧刪
偶泛輕舸泐葦去
江河舊夢倩招還

水

出山泉濁已多年
忽泛花溪意惘然
清畏人知橫荇藻
船如天上坐神仙
疎籐老樹相涵綠
汀鷺沙鷗自在眠
往日釣徒皆寂寞
與誰商略畫中禪

秋蟲

秋蟲爾何意刺促
竟宵鳴風露真難得
庭階豈不平草

根將絮語鐙下亂書聲比似蚊貪血勞勞各一生

雨後題月季花

微雨響羣葉數花開小紅雖無繁艷意喜在寂寥中媚
我真難事歸家似厲公一尊聊獨對及未歎飄蓬

夜坐

疎星引月上高梧薄薄羅雲漸欲無偶憶元言成獨笑
自謀小醉不教扶砌蟲陰韻同風馬庭草生機各露珠
寂感便知觀物好壯心應悔着鞭粗

論詩

建安風格最深沈蘇李河梁有嗣音法物何能免殘缺
餼羊珍重聖賢心

綺語都從妙悟來抽青妃白亦奇才就中我獨嫌山賊
瓦狗多多范一胎

雅音漢魏六朝風詩到貞元變已窮特地昌黎盤硬語
別將文格逞清雄

韓白登壇萬將降孫吳節制漸消亾宋人疎縱元柔靡
鮑老何須笑郭郎

頭巾世界談風雅七子艱難眾未知讀破中州詩數卷
借他王李作須眉

半使才情半使書自繙舊稿一軒渠廬山真面何難識
券上明明寫賣驢

町畦脫盡卽町畦萬事須防覺後迷古月今人偶相照

天機合處水分犀

換却几胎結聖胎休言明鏡本非臺爲周爲蝶憑拈取
畢竟莊生作夢來

春花秋月若無情不合將人伴一生歌哭便從啼笑出
非仙非佛究何名

牛衣馬革太匆匆多少華年誤此中泥上爪痕君莫認
碧天自在看飛鴻

留別山居花木

碧梧一樹立亭亭別汝先愁損性靈未必裁琴皆雅奏
若言剪葉更天刑斜陽易送蟬聲老塵海難教鳳羽停
新月我來殘月去空留孤直向青冥

桐

萼綠陰陰小院中茜妝西侍縞衣東花爭朔雪休相賞
苞孕炎天已不同往事酸心林處士重來索笑趙師雄

淮南枉自春如海冶杏天桃一例紅

梅

攀枝惜到海棠梨辛苦花鋤手自攜斲向空山憐艷絕
燒殘紅燭有香迷五年一度看開落冶葉倡條雜笑啼
此別逢秋真睡醒難將春態更留題

海棠

千里單車抱爾眠筵泥澆酒戊辰年是真富貴爭難去
不用扶持妒亦憐牆角有蛩傳怨抑筆頭無粉畫芳妍
何時醉倚青油幕爲續清平第四篇

牡丹

如斗何須笑牡丹柔桑也許當花看筠籃摘後吳蠶老
零雨歸時野蠋寒差喜鷄鳴來好客儘思酒熟薦村盤

介存齋詩 卷三
不堪長負閑閑約十畝濃陰枕未安

桑

掉尾脩脩碧鳳皇一年陰比一年長此君無我難醫俗
久客初歸競拂牆左右忽成佳士別平安誰寄美人香
水雲五夜扁舟夢得似今宵枕簟涼

竹

細葉輕陰已出檐月波簾額共纖纖開如夢影花難認
坐到昏黃我自嫌爲爾乍添離別意何時真遂吉祥占
重門一閉無人賞蛺蝶虛將粉絮黏

合歡

牆陰一種菜田田絡緯聲中瘦可憐墮枕葳蕤幽夢裏
論香清苦玉人邊孕來金氣難呈色琢到天工不費錢
向汝臨行還抱舊惜花心爲綠衣偏

玉簪

千絲萬縷舞迴風各挽行舟態不同十里晚煙漁篴外

幾人高枕畫樓中傷離已判醒殘月贈遠還勞點碧空
一路孤唵誰解惜祇君相伴到淮東

柳

慶源門外雨泊懷良卿溪堂

君家隔煙水此路飽經過微雨侵衣濕新涼得酒多看
花尋早稻采葍動殘荷欲往無賓主空能發嘯歌

又作濱淮客全拋繞舍田扁舟孤泊處細雨早秋天學
圃非難事依人豈靜緣買山曾有約遺媿向林泉

却寄家木君

青

高雲溪

森槐

君甘離索今猶昔我任飄零西復東未死名心長短句
已通世法馬牛風宅邊柳樹容高隱江上潮痕識短篷
送盡歸鴻成一笑五弦原不在琴中

介不齋詩 卷三
我爲善戰千夫長君是能耕萬戶侯海上風雲通士氣
庭中貍特豈身謀時平漫蓄三年艾仙好權營百尺樓
落拓琴書潦草醉莫將心事問吳鈞

飲酒

古人不飲酒手挹天漿斟北斗後人不飲酒棄擲靈明
戀芻狗中年樂事苦無多忍拒陽和不關口一杯初嘗
如見客乃是深交久相憶把臂寒暄未及通且向燈前
看顏色兩杯三杯漸有神離愁訴過談情親一杯一句
相對說少亦竟夜多兼旬酒盡傾壺如送別碧落茫茫
墜孤月千秋萬歲留相思死骨能枯心不歇蘭陵夜雨
聲瀟瀟扁舟竟過奔牛橋

吾郡以奔牛
酒爲有名

若遣紙中乏良

醞枯腸渴甯安能消屬人奏刀苦無肉腊筍堆盤不盈
芻此是他年好竹竿呼向尊前且醫俗陶然獨酌殊有
情芒角不生心太平豈無吳鈞與越劍已忘恩怨何勞
卿夾岸啾啾亂蟲語葦葉茗華泊船處一杯淺淺一杯
深靜聽佳人弄機杼醉抱青奴自在眠新涼夢好必遊
仙還邀儀狄修觴政那怕黃公索酒錢

早望

篷窻晨捲幔野寺出林坳蟬戀將衰葉雅爭未定巢溪
山春宅遠江海亂雲交浮世還萍梗誰誅宋玉茆
初到揚州小病代東呈斗垣徐丈

虛堂隱几葛天民詩稿叢殘畫稿新夏木已經都得地

介存齋詩
卷三
秋陽何事尙驕人江風吹病疎朋友酒國埋頭自主賓
寸紙先投通德里祇緣老輩性情真

介存齋詩卷之四

同希尹緘夫遊攝山晚宿澍公山房

一山包眾壑雙澗養深林不露真人相能降靜者心好
秋輕遠泛新屐競危岑此夕無塵夢虛勞度磬音

隋舍利塏石刻象

在棲霞寺殿左寺又有江總碑今不存唐中宗製
明徵君碑高正臣書今存殿前右方

漢畫朴而儻宋畫工而巧前承顧陸後開吳此象流傳
安可少豐頤銳頭四力士或跣或鞞俱得執舞蚪盤作
身上衣出水當風渾不是下方刻者佛出蹟剝落雖多
猶可識出家成道及涅槃種種神通大遊戲植樹端如

羽葆停乘潮細似筠簾織不矜變化要莊嚴偶露疏奇
成密麗愛翫應同索靖碑鈎摹苦乏龍瞑技江總文章
直穢墟正臣字畫無生氣巋然異寶鎮名山莫向江邊
搜崔瘞

畫樹歌

棲霞杉樹何亭亭畫師欲畫無此膽槎枿應從斤斧餘
摩挲忽動升沈感四株一本各自豪小能不諂大不驕
此材合動工師色此山况在名都郊故宫實長銅駝棘
深巷虛營燕子巢棄置居然作幽景苔痕繡趺泉聲冷
年年霜葉總成花龍抱蒼煙自高挺宋君老筆信有神
秋陽兀坐傳其真爲添怪石助聲執素壁初張風雨至

後凋松柏縱堅心盤屈應慙棟梁器

天開岩

一石有一法何能強攀附峻嶒各獻奇不媚亦不妒如
何着眼人翻賞無石處

取道上中峯

仰面看松根龍拏石壁爪有痕低頭看松頂鶴赴幽泉
引其頸紆回百步變昏曉高處置身應了了若不親從
澗底來安知尺木皆林杪聳壑千霄各呈態遊人已在
雲林外別有高峯號最高亭亭獨作遊人蓋

登最高峯

爲挽江流向北來步兵廣武事堪哀山川豈解鍾王氣

開闢終須杖異才
初日動搖疑有蜃
舊京板蕩久無灰
老僧住貫渾忘却
只恐清霜作薄菑

不寐

中峯夜不寐忽復憶
生平比頭陀苦身難
泉水清光塵磨性
識事業避才名欲買
華陽宅遲留爲有情
采藥不自服聊聊入
攝山見懸銀杏乳莫
斂白雲關鹿只畱泉
去僧能伴客悶曉鐘
俄一動林際辨煙鬟

舟中迴望攝山

入山不見江尋岩得
疊浪出江猶見山縹
緲眾峯上落帆指真
州暝色不吾讓葢荻
亂新洲星火聚烏榜
蒙蒙雲際月在遠得
相望此夕東桂軒何
人發高唱

真州道中

送我扁舟去綠楊
秋有情所嗟蟬易老
夾岸不聞聲

書所見

一牛得草眠新雨
萬雀品蘆話晚晴
天與綠楊濃設色
朱霞盡處彩虹明

夜宿京口

三更風雨動危樓
萬里江聲半枕收
狗監相如新揖客
牛醫叔度古清流
持螯只買南徐醉
跋馬難尋北固秋
誰共盤龍爭一擲
荻花無數繞新洲

海門潮雜雨聲來
潛壑龍吟助客哀
自古狂瀾皆勝局
不能飛渡是庸才
佛狸死戀揚州郭
寶誌生營建業臺

西望白沙雲黯黯迎鑿雄鎮久蒿萊

山塘廡樓偶成

黯黯兼旬雨蒼茫溢岸波衝簾新燕怯沈竈怒鼃多舊
業憐農圃狂驩閱綺羅晚虹東望久應許賦明河
鳥語忽清轉推窗見曉霞綠扶隄柳重青放突煙斜墊
隘愁應免汚邪望敢奢婁江好東注碧海正無涯
疎淪何年事吾師髻久霜如聞行畎澮頗復感滄桑劍
失誅蛟術天無補石方浮家差得計直欲買沙棠

虎邱雨後獨步

一塢俯煙蘿千家蹴白浪花田晨霧斂魚市夜腥多細
澗侵遊屐新苔學佛螺居然成獨笑勞爾斷笙歌

西望

疏簾清簟似浮家日日憑闌翫物華易散笙歌跳白雨
賸看樓閣起朱霞輕風拜柳蟬頻咽細浪吹魚燕忽斜
西望湖山青不了祇應明月照桐花

六月十九虎阜廡樓夜坐得若谷書偶成却寄
餘霞漸散碧天垂風定中流畫舫移鐙火樓臺俱倒影
未妨明月上來遲

崔市鱗鱗卷畫圖宵來賸有一輪孤高樓卧聽誰家笛
喚起歸心對五湖

溪南舊擁千竿竹海上新開十頃田却笑謝公墩畔宅
底須夷甫眼中錢

故人書到說耕屯直欲相招出雁門爲報田疇君莫笑
江南芳草戀王孫

雲

畏日匿西景閒雲無定姿纖穠異掩映離合生妍媸嗟
爾下土人望望將毋疑神龍欲飛騰元氣噓淋漓鬱蒸
本霖雨漂泊俄風颶穹窿不可上散作千萬絲金梭勞
帝孫貝錦濯咸池奕奕紅韉銘翩翩黃絹辭視采信爲
美謝華終見嗤卽看向空意何如出岫時

螢

月黑燈殘驚見汝露涼波濶始愁人誰將畫雀輕羅巧
細賞荒原腐草新風定一簾疏永夜牆欹十竹暗西鄰

微明自惜還來至老許書帷意轉親

立秋前一日大風雨卽事有作

今年六月炎暑微蚤莫往往愁單衣三江水氣騰一丈
底須風雨迎秋歸梨園聽歌歌未歇日須乍收紫電裂
船輕棹急不得前努力翻成退飛鷁短簾疎疎窗復隙
萬點淙淙蝟毛集夾河欄檻卅步餘滿眼蒼茫五湖溢
歸來兀坐聽轉急估客叫號漁婦泣已聞大木卧蜿蜒
旋見重檐舞瓴甌因思設險非由境萬頃波濤生咫尺
感時季路輕浮海持重荀卿防躓垤惟將忠信及豚魚
豈有生死纏胷臆君不見澹臺抽劍誅兩蛟濟河終捨
千金璧

垂釣

昔聞詹何視能引盈車鰈至均任一髮釣理亦足論清
晨遵枉渚俯見搏桑暎披襟類不恭意愜斯道存蜻蜒
自相並水馬亦駿奔佛悅重淵下寧當知寂喧偶然便
不得豈足芳餌愆於物躍靈沼浩育歌齊賢生機本莫
窒化理隨所遷金刀與銀鱗往者曾周旋遂令結網徒
餘羨無時捐童奴笑我後失喜獲寸鮮轉寘益盎中撥
刺翻成憐雖云免金鷲終擬憶淪漣投竿聊息機歸沐
心悠然

自瑞光寺夜泛胥江歸廬樓感賦

鳴鯨言初更逕草露光泣因闕林際月已及相輪半籬
豆花葉肥秋蟲飽逾健蕭蕭競繁響同異孰能辨任天
耳或通櫻俗性徒繕委蛇一棹出城郭萬象變竿檣隱
羣艘燈火表微岸沈沈偃橫虹落落舒直練平生湖海
氣浩蕩及茲見忽嗟三吳農罹酷再昏墊黃秧始糜爛
悉索誓復戰畚揭無地施捧泥補殘堰青稞畝十金購
百邇異縣豈知白波帥衝突勢轉便違天咎曷辭傷心
夙儲殄嬰孩分難保况敢牲畜戀屠肆多耕牛幾家待
書券懷襄堯獨憂蕩析盤永奠罕聞汲黯妄終媿監門
賤誰能忘夏畦徒茲賞秋灌

介在齊言

卷四

木

國



